


象緯
卷二百八十五之二百八十六

特
伊 4
1046
79





74
1046
79

文獻通考卷之二百八十五

鄱陽 馬

端臨 貴與



象緯考

月變



中興天文志或曰日月猶水火也火外光水含景故月之光
 生於日之所照其魄生於日之不照也故當日則光盈照之
 全也自是而闕以日光之映其有不全乃至於晦愈相近而
 不之照故也嘗觀諸水日之所照每借以為光仰而映于屋
 梁一有掩焉則向之光于屋梁者不復見也月之借於日猶
 是故夫月之光也以日之光有照焉則月之食也亦其日之
 光有掩焉耳人之於月獨見其光與食豈知有借於日哉太
 史遷曰月食常也日食不常也是以春秋書日之食不書月

利
289
79

文獻通考卷之二百八十五

象緯考

食月食固可無書也然嘗試以前說推之於月之食以知日
之行於地中其亦有食焉不然則日光之全月與相望其何
食之有月食所關豈細哉夫日月者象君臣也谷絲稱元首
明股肱良元首叢脞股肱惰股肱良惰之分關於君德月有
光食顧不然乎於是月食而書亦可也湯告曰萬方有罪罪
在朕躬古之畏天戒者不以移於股肱嗚呼書月食其亦足
以戒乎

又曰孟康曰星入月而星見於月中是為星食月月奄星而
星滅不見是為月食星隋天文志曰月食五星歲以饑熒惑
以亂填星以殺太白以強國戰辰以女亂孝宣本始四年七
月甲辰星在翼月犯之地節元年正月戊午月食熒惑熒惑
在角亢成帝建始四年十一月食填星陽朔元年七月月犯

心此其證也

漢高祖七年月暈圍參畢七重占曰畢昴間天街也街北胡也街
南中國也昴為匈奴參為趙畢為邊兵是歲高皇帝自將兵擊匈
奴至平城為冒頓單于所圍七日乃解

成帝建始元年八月戊午晨漏未盡三刻有兩月重見京房易傳
曰婦貞厲月幾望君子征凶師古曰小畜上九爻辭也幾音鉅依反言君弱而婦彊

為陰所乘則月並出晦而月見西方謂之朏朔而月見東方謂之
又孟康曰朏者月行疾在日前故早見又隱者行隱進在日後當沒而更見師古曰朏音吐了反又隱則侯王

其肅朏則侯王其舒劉向以為朏者疾也君舒緩則臣驕慢故日
行遲而月行疾也又隱者不進之意君肅急則臣恐懼故日行疾

而月行遲不敢迫近君也不舒不急以正失之者食朔日劉歆以
為舒者侯王張意顯事臣下促急故月行疾也肅者王侯縮胸不

任事服虔曰胸音世怵之怵鄭氏曰不臣下弛縱故月行遲也故
日弛也當春秋時侯王率多縮胸不任事故食二日又慝者十
八食晦日朏者一此其效也攻之漢家食晦朏者三十六終亡二
日又慝者歌說信矣此皆謂日月亂行者也

哀帝時李尋上疏言月者衆陰之長銷息見伏百里為品千

里立表萬里連紀品同也言百里內度數同也千里則當立

也妃后大臣諸侯之象也朔晦正終始弦為繩墨望成君德

春夏南秋冬北間者月數以春夏與日道孟康曰房有四星

軒轅上后受氣軒轅南大入太微帝庭揚光輝犯上將近臣

列星皆失色厭厭如滅此為母后與政亂朝陰陽俱傷而不

相便外臣不知朝事竊信天文即如此近臣已不足拔矣泰

大柱小可為寒心唯陛下親求賢士無疆所惡以崇社稷尊
強本朝

光武建武八年三月庚子夜月暈五重紫微青黃似虹有黑氣如
雲月星不見丙夜乃解

中元元年十一月甲辰月中星齒往來出入

桓帝永壽三年十二月壬戌月食非其月

延熹八年正月辛巳月食非其月

獻帝興平二年十二月月在太微端門中重暈二珥兩白氣廣八
九寸貫月東西南北

魏文帝黃初四年十一月月暈北斗占曰有大喪赦天下七年五
月帝崩明年即位大赦天下

晉懷帝永嘉五年三月壬申景夜月食既丁夜又食既占曰月食

盡大人憂又曰其國貴人死

海西公大和四年閏月乙亥月暈軫復有白暈貫月北暈斗柄三星占曰王者惡之六年桓温廢帝

安帝隆安五年三月甲子月生齒占曰月生齒天子賊臣群下自相殘桓玄篡位之徵也

義熙九年十二月辛卯朔月猶見東方是謂之仄匿則侯王其肅是時劉裕輔政威刑自己仄匿之應云

十一年十一月乙未月入輿鬼見而暈占曰王憂財實出一日月暈有赦月奄犯五緯

梁武帝太清二年五月兩月相承如鉤見於西方占曰其國亂必見於亡國

簡文帝大寶元年正月丙寅月晝光見於東方占曰月晝光有隱謀國雄逃又云月晝明姦邪並作擅君之朝其後侯景篡弒

西魏文帝大統十四年正月朔兩月並見

周武帝天和五年正月乙巳月在氏暈有白虹長丈所貫之而有兩珥連接規北斗第四星占曰兵大起大戰將軍死於野是冬齊師寇邊明年詔齊公憲率師禦之自龍門渡河攻拔其新築五城兵大起大戰之應也

建德五年十月己未庚申月連暈規昴畢五車及參占曰兵起爭地又曰王自將兵天下大赦

宣政元年正月景子月食昴占曰有白衣之會又曰匈奴侵邊其

月突厥寇幽州殺掠吏人五月帝北伐六月帝疾甚還京次雲陽而崩

隋煬帝大業九年正月二十七旦兩月並見

隋煬帝大業九年正月二十七旦兩月並見

唐太宗貞觀初突厥有三月並出

高宗儀鳳二年正月甲子朔月見西方是謂朏朏則侯王其舒武
太后時月過望不虧者二

玄宗天寶三載正月庚戌月有紅氣如垂帶

肅宗至德元年建子月癸巳乙夜月掩昴而暈色白有氣自北貫
之昴胡也白氣兵喪建辰月丙戌月有黃白冠連暈圍東井五諸
侯兩河及輿鬼東井京師分也

代宗大曆十年九月戊申月暈熒惑畢昴參東及五車暈中有黑
氣乍合乍散十二月丙子月出東方上有白氣十餘道如尺練貫
五車及畢觜觶參東井輿鬼柳軒轅中夜散去占曰女主宮白氣
為兵喪五車主庫兵軒轅為後宮其宿則晉分及京師也

憲宗元和十一年巳未旦日巳出有虹貫月于營室

文宗開成四年閏正月甲申朔乙酉月在營室正偃謁質成早也
占為臣下專恣之象

五年正月戊寅朔甲申月皆而中未弦而中早也占曰同上

昭宗景福二年十一月有白氣如環貫月穿北斗連太微

天復二年十二月甲辰夜月有三暈裏白中赤黃外綠

天祐三年二月丙申月暈熒惑

梁太祖開元四年十二月庚午月食

唐莊宗同光三年三月戊申月食九月甲辰月食

明帝天成三年十二月乙卯月食

四年六月癸丑月食既十一月庚戌月食既

晉高祖天福二年七月丙寅月食

五年十一月丁丑月食

出帝開運元年三月戊子月食九月乙酉月食

漢高祖天福十二年十二月乙未月食

宋太祖太宗真宗三朝月食

乾德六年十一月庚寅開寶二年十月戊子三年四月乙酉五年八月壬寅七年八月庚寅驗天不食太平興國二年六月甲辰既十一月壬寅三年十月丙寅雲陰不見五年八月乙卯既九年正月丙寅雍熙二年七月戊午驗天不食四年五月丁丑端拱二年三月丁酉當食氏八度既驗天不食淳化元年三月庚寅二年八月壬午既三年正月癸卯八月丙子雲陰不見五年六月乙未食九分占云后妃臣下災明年孝章皇后崩十二月癸巳既占曰大臣災明年春同知樞密院事劉昌言罷夏宰相呂蒙正參知政事蘇易簡罷至道元年六月己丑雲陰不見十二月丁亥二年十月

辛亥咸平元年十月庚子二年九月乙未三年二月壬戌八月庚申四年八月甲寅五年正月辛亥七月戊申六年正月甲辰七月壬寅占羗夷有兵明年契丹大舉寇邊景德元年十一月乙丑二年五月壬戌十月庚寅三年十一月癸丑四年五月辛亥雲陰不見九月戊寅驗天不食大中祥符元年九月癸酉二年九月丁卯驗天不食翌日上命辰也三年閏二月甲子五年正月甲申陰翳不見七月庚辰十二月丁丑八年十月辛卯九年四月己丑雲陰不見天禧元年四月壬午十月庚辰三年二月壬寅四年八月癸巳日

月輝氣

建隆元年訖開寶末凡珥一十九輝氣二十三暈二十九重暈一半暈一十四交暈二紐氣二

太平興國元年訖至道末凡冠氣一珥六輝氣五赤氣二抱氣一
暈八半暈二背氣一

咸平元年訖乾興末凡重輪三珥一百二十冠氣十一輝氣二承
氣八抱氣三戴氣九赤黃氣十七五色氣十一青赤二黃紅氣一
暈三百九十四五色重暈二十背氣一

天禧四年四月乙酉西南方兩月重見占大臣爭權有誅又曰有
大水其年秋宰相寇準以罪貶滑州河決京師大雨壞廬舍
仁宗英宗兩朝月食

天聖二年五月壬寅月當食不見四年五月戊午慶曆二年六月
丁亥食六分既而入濁不見天復五年四月庚子曉漏初食九月
戊戌食六分欲復入雲不見六年九月壬辰食三分皇祐二年七
月庚子四年十一月丙辰食未復而盡占曰后妃臣下裁後二年

貴妃張氏薨先是預詔日官以唐戊寅麟德大衍五紀正元觀象

宣明崇真曆及皇朝應天乾元儀天崇天曆筭此月太陰食分及
辰刻分野五年十月辛亥食至和二年九月庚午食三年八月甲
子食號占曰后宮宜崇德以致福嘉祐二年二月壬戌食三分復
八月戊午三年閏十二月辛巳食四年六月戊寅食幾盡十二月
乙亥食既占曰月陰類后妃大臣之位食則脩刑及兵今食既宜
卹刑以除咎若三日有雨雪則不占來年二月赦天下太子少傅
王舉正卒五年十二月己巳七年十月己丑皆食八年十月癸未
食既卯初七刻食甚已而入濁不見治平元年四月庚辰食
月輝氣

天聖元年訖嘉祐末月凡揚光二光芒氣一紅光輝氣一五色暈
氣一暈二百五十七周暈三十三交暈四連環暈一珥七十三冠

氣五載氣一十三承氣五背氣一白虹貫月一黃虹貫月二
治平元年訖四年凡五色輝氣一五色暈氣一暈五十一珥一十
五冠氣一載氣四背氣二

神宗哲宗徽宗欽宗四朝月食

治平四年二月甲午月食丑之四刻虧見西方在翼十有五度
至六刻食甚及八分疆至酉地入濁不見王飛蟲多死北夷有兵
熙寧元年七月乙酉月食丑之五刻在危十度虧見東北方食及
二分半入濁不見食甚及復主齊分有喪大臣憂二年閏十一月
丁未月食亥之一刻虧見東方起東北至子之初刻食甚及八分
弱在井度中至三刻復主五穀不登三年五月乙巳月當食雲陰
兩不見四年五月己亥月食戌之一刻虧見東南方出濁未圓六
分在東井度中至五刻復主大臣黜或宮中宜崇福十一月丙申

月食卯之二刻虧見西方起東南至六刻食甚及四分半弱在東
井一度少至明刻入濁不見復占同上六年三月戊午月食亥之
一刻虧見東南六刻食甚及七分弱子之四刻復九月乙卯月食
丑之四刻虧見東北方至寅之一刻食甚及六分漲已退未圓三
分入濁不見復七年九月己酉月食丑之一刻虧見正東方至六
刻食既在婁二度弱至明刻不見復九年正月壬申月食雲陰不
見十年正月丙寅月食子之三刻虧見東南方至七刻食甚及七
分在張度中至丑三刻復主后有憂周地貴人地死及大戰拔城
七月癸亥月食雲陰不見元豐元年正月庚申月食有雲障之至
丑五刻見西南方正東食及四分半寅初食既曉刻雲映不見復
主羅貴周分貴人死六月戊午月食戌之一刻雲間見正東方食
及七分半至二刻食既在虛度中至亥三刻半復主後宮憂大臣

有咎齊分有喪二年六月壬子月食雲陰不見三年十月甲戌月食既自雲陰不見四年四月辛未月食既自戌之二刻出濁已食甚月體東退生光一分正西九分在尾度中至六刻復主后妃灾辛巳食於昏出濁食及七分在畢度中至二刻復主有赦令邊臣有咎趙分有兵胡人大疫五年十月癸亥月食自酉之二刻虧見東北方至七刻食甚及三分在昴七度太弱戌之三刻復主邊兵起或女主憂六年八月丁亥月食驗之不食七年二月乙酉月食八月辛巳月食皆雲陰不見八年八月丙子月食戌之三刻虧初至七刻食既子之一刻復元祐元年十二月戊戌月食雲陰不見三年六月庚寅月蝕亥之五刻虧初至子六刻食既丑四刻復在斗度中吳分主吳兵起大臣有憂十二月丁亥月食雲陰不見四年五月甲申月食初雲陰不見至丑初刻食巳九分在斗度中吳分至六刻復主大臣憂有小兵五年五月戊寅月食雲陰不辯虧蝕六年四月癸卯月蝕雲陰不辯虧食七年三月戊戌月蝕亥初一刻虧初至七刻食既子七刻復食甚在氏度中主大臣有憂十日內有風雨則解灾八年九月巳丑月食雲陰不見紹聖三年七月癸卯月蝕雲陰不辯虧食四年正月庚子月食雲陰不見初虧至酉七刻巳食三分戌一刻食及四分後復有雲障之王貴臣後宮有憂周分民饑五年五月壬戌月當食而不食元符二年五月丙辰月蝕子之三刻至丑二刻食既寅二刻復在箕度中主御者或掌樂人當黜又為風十月甲寅月食亥之四刻虧初至子四刻食既丑四刻復在參度中主兵官當黜三年十月戊申月食四分崇寧二年二月甲子月食既主貴人當之八月辛酉月食既主西方兵起三年二月巳未月食三分主貴人當之八月丙辰月食四

分主西方兵起四年十二月戊寅月食七分七主王者宮室不安
五年六月乙亥月食九分主旱十二月壬申月食既主有女喪大
觀三年十月丙戌月食五分主有女喪四年四月甲申月食既九
月庚辰月食既政和元年三月戊寅月食五分九月甲戌月食六
分三年二月丁酉月食七分七月甲午月食八分主其下君憂或
兵起四年正月辛卯月食既主賤人當之六年十一月乙巳月食
七分七年十一月乙亥月食八年五月丙申月食九分主旱宣和
二年三月丙辰月食三分主人主當之六年正月癸亥月食六分
主賤人當之十二月戊午月食既主有女喪

月輝月暈

治平四年訖元豐末凡月五色輝氣十一五色暈氣六暈四百六
十三周暈二百四十七交暈二珥一百三十四冠氣七戴氣五十
承氣五背氣一十白虹貫月五貫珥一自元豐八年三月五日至
元符三年正月十一日九月五色暈氣九暈八十九同暈三百五
十一重暈一交暈三珥一百三冠氣七戴氣二十七背氣八白虹
貫月二貫珥一自元符三年正月訖靖康二年四月九月暈珥二
五色暈五珥二暈冠一交暈一白虹貫月一五色雲一凡日傍一
珥軍喜二珥民壽三珥后喜四珥立侯王及子孫喜戴者推德抱
者國降承者臣承君喜冠者封建暈珥為忿爭半暈纓得地直為
自立交為大戰背為背叛戟為兵鬪貫刺君惡若在月則應后妃
五色雲為慶雲太平之應見則國有慶

高宗孝宗光宗寧宗四朝月食

建炎三年二月壬午望食于軫

紹興元年八月己卯望當食陰雲蔽之

二年二月十四日丙子月體如食太史言是謂月末當闕而闕七月十六日甲戌食之既在室

三年七月戊辰望食于危

四年十二月庚寅望食于井

五年十一月乙酉望食于井既

六年五月十四日辛巳食于南斗十一月己卯望

八年三月辛丑望九月丁酉望月皆食露雲不見

九年九月壬辰望食于胃既

十二年七月丙午望當食露雲蔽之

十三年六月庚子望食于虛既十二月戊戌望當食露雲蔽之不
見

十四年六月甲午望食于女

十五年五月己未望當食露雲不見

十六年四月甲寅望食于尾

二十一年二月丙辰望當食露雲蔽不見

二十五年五月壬戌望月食候之至酉以山色遮映不見虧分

二十七年九月丁丑望食史失宿次

三十年正月甲午望

隆興二年五月己亥望

乾道元年四月甲午望當食露雲不見

四年二月望食于宿

五年二月辛丑望

六年十一月丁酉望

八年六月壬子望

淳熙元年四月壬申望皆當食露雲不見
二年四月丙寅望食于房既九月癸亥望
三年三月庚申望
五年二月己卯望皆當食露雲不見
六年正月甲戌望食于翼既
八年十一月丁亥望食于井
九年十一月辛巳望食于井
十年五月己卯望食于箕
十二年三月戊戌望食于亢九月乙未望
十三年三月壬辰望皆當食露雲不見八月丙寅食于奎既
十四年八月甲申望
十六年十二月辛五望

紹熙元年六月丁酉望十一月乙未望

二年六月壬辰望

三年四月乙巳望

五年九月癸卯望皆當食露雲不見

慶元二年八月壬戌望食于壁

三年七月己未望食于翼既

四年七月庚戌望食于危

六年五月庚午望

嘉泰二年五月己未望

三年三月癸未望

開禧元年三月壬申望閏八月己巳望皆當食陰雲不見
三年正月壬辰望食于張七月戊子望食于危

嘉定元年二月丙戌望當食既雨不見十二月庚辰望食于星

二年六月丁丑望食于文

三年十一月己亥望食于參

五年十月戊子望食于卯

七年二月庚戌望食于角八月丁未食于奎

八年八月辛丑望食于壁

九年二月己亥望閏七月乙未望當食陰雲不見

十年十二月戊午望食于柳

十一年六月乙卯望食于牛十二月壬子食于井

十二年五月庚戌望當食既露雲不見十一月丙午望食于井

十三年五月甲辰望食露雲不見

十四年十月丙寅望食于胃

十五年三月癸卯望食于辰露雲不見

十六年三月丁巳望當食露雲不見

月輝月暈

建炎四年十月己卯月生五色暈占人主有後官喜次年張婕妤
吳才人進封

紹興二年二月丙子月未當闕而闕體如蝕色赤黃占大臣黜又
曰臣下不奉法侵奪主勢於是張浚專制于蜀始議召歸

四年六月壬午月暈而珥占期六一日兵起

五年正月戊午月暈于東井占有胡兵一曰夷狄求和

紹興四年十一月壬申月色無光

嘉泰三年七月壬午白虹如半暈穿貫月中占曰白虹貫月大兵
將起軍戰於野

容齋法氏隨筆曰曆家論日月食自漢初以來始定日食不在朔則在晦否則二日然甚少月食則有十四十五十六之差蓋置望參錯也天體有二交道曰交初曰交中交初者星家以為羅睺交中者計都也隱暗不可見於是為入交法以求之然不過能求朔望耳若餘日入交則書所不載由漢及唐二十八家暨本朝十一曆皆然姑以慶元丁巳歲五次月食考之二月望為入交中七月為交初唯十月二十日二十一日連兩夜乃以二更盡月食之既纔兩刻復明十一月十八夜復如之按此三食皆是交中十月二十夜月在張五度而計都在翼二度次夜月在張十七度計都在未動相距才四度耳十一月十八夜月在星五度計都在張十九度相距二十度十二月十七夜五更月在星二度入交陽末卯初四刻交甚食六分半八刻退交十八夜四更月在張六度入交中陰初至寅四刻交甚食九分卯五刻退交其驗如此予竊又有疑焉太陰一月一周天必兩值交道今年遂至八食一一如星官曆翁之說仍不拘月望則玉川子之詩不勝作矣當更求其旨趣云頃見太史為官劉孝榮言月本無光受日為明望夜正與日對故一輪光滿或月行有遲疾先後日光所不照處則為食朔旦之日日月同宮如月在日上掩太陽而過則日光為所遮故為日食非此二日則無薄食之理其說亦通

又夷堅志紹興三十二年正月予被命接伴北使次盱眙天文官荆大聲隨行見向西邊大星去月三寸許指示予曰此木星也或食月或為月所食少刻便可決予質其義曰月體

自若而星居月上此為星食月月遇之而星隱不見此為月
食星既而仰視高空火星所在俄出於月東問其兆應如何
唯唯不肯說至四月半予報聘復挾荆行荆出一書太抵皆
星氣占驗其一日月星相食當有易主事時已竊聞將有
禪舜之舉矣予按景祐乾象新書引晉書月蝕歲星野有逐
相又引天文總論曰主殺戮將相王侯之象或其分有兵喪
其說淺矣五月十六日五更初過臨淮境瞻月外有環暈五
重附近者紫紅色白者次之青者又次之黃者又次之最外
深紅各相去一丈分寸不差忒其圓如規馬上諦視起敬荆
馳至旁附耳曰是為月重輪前史所紀多不過兩三重而今
五數但太陰極盛恐非太陽之利耳將曉乃沒未一月而高
宗異位乾道二年六月北極前星之左有小星大聲謂予向
者不記有此星若本無而今有懼為東宮禍三年又指軒星
之側客星曰非中宮禍已而皆然八月中蒙宣對便殿孝宗
聖意慈愛邁輒奏大聲之說以為上穹默定矣矣乞少寬宸
袍上固素詣星象慘然曰朕亦見之時大聲浮湛壘市遂遭
逢今以春官大夫判太史局

鄱陽 馬 端臨 貴與 著

象緯考

亭彗

春秋魯文公十四年秋七月有星彗入于北斗亭彗也既見而後

故書左傳周內史叔服曰不出七年宋齊晉之君皆將死亂後三

年宋也昭公五年齊弒懿公七年晉弒靈公史服但言事微而不論其占固非未學所得詳言公羊傳彗者何彗星

也狀如其言入于北斗何又大辰不言入北斗有中也魁中者何以

書記異也者掃邪亂之氣彗穀梁傳彗之為言猶第也其曰入北

斗斗有環域也據字于大辰又東方皆不言入此言入者明斗有

第星亂臣之類言邪亂之臣將弒君

昭公十七年冬有星彗于大辰大辰房左傳曰有星彗于大臣西

及漢夏之八月辰星見在大漢西今字星出辰西申頃曰彗所以

除舊布新也申頃魯大夫彗以天事恒象天道恒以象今除於火

火出必布為諸侯其有火災乎今火向伏故知當須火出乃梓慎

曰往年吾見之是其徵也徵始有形火出而見前年火出時見賢

今茲火出而章必火入而伏隨火也其居火也久矣年歷二其與不然

乎言必然也與如字又音頌火出於夏為三月謂晉於商為四月於周為五月

夏數得天得天若火作其四國當之在宋衛陳鄭乎宋大辰之虛

也大辰大火陳太皞之虛也太皞居陳木鄭祝融之虛也祝融高

居鄭皆火房也房舍星孛及漢漢水祥也天漢衛顛項之虛也故

為帝丘衛今濮陽縣昔帝顛項居之其星為大水衛星營空水火

之壯也壯後反其以丙子若壬午作乎水火所以合也丙午水火

水火合而相薄薄水少而火多故若火入而伏必以壬午尚未知今

言若復扶又反不過其見之月之五月公羊傳其言如大辰何

據此斗言入于在大辰也大辰者何大火也為止大火為大辰伐

為大辰伐謂冬伐也大辰者何大火也所以示民時也北辰亦為大辰北

北極天之中也常居其所惑不知東西者須是也二十六年齊有

彗星出齊之分野不齊侯使禳之晏子曰無益也祇取誣焉誣欺

天道不諂不貳其命諂疑若之何禳之且天之有彗也以除穢也

君無穢德又何禳焉若德之穢禳之何損

哀公十三年冬十一月有星孛于東方平旦衆星皆沒而孛乃公

羊孛者何彗星也其言于東方何星名也見于旦也旦者日方

復見故言東

方知為旦

貞定王二年彗星見

先公曰史表稱彗見於秦愚按春秋終於魯哀公之十四年

而獲麟於魯左傳終於魯哀公之二十六年明年而彗見於秦天人之理何其昭昭也秦人亡二周滅六國包舉宇內并吞八荒廢井田開阡陌掃除先王之典籍彗之為禍烈矣表彗見以為傳鑑補遺之首書

考王八年彗星見

赧王十年彗星見

十二年彗星見

十九年彗星見

秦始皇七年彗星先出東方見北方五月見西方十六日

九年彗星見或竟天四月彗星見西方又見北方從斗以南八十

日十三年正月彗星見東方

三十三年明星出西方徐廣曰皇甫謐云彗星也

漢天文志秦始皇之時十五年間彗星四見又者八十日長或竟天後秦遂以兵兼六國外攘夷狄死人如麻

漢高帝三年七月有星孛于大角旬餘乃入劉向以為是時項羽

為楚王伯諸侯而漢已定三秦項羽相距滎陽天下歸心於漢楚

將滅故彗除王位也一曰羽沉秦卒燒宮室弒義帝亂王位故彗

加之也

文帝後七年九月有星孛于西方其本直尾箕末指虛危長丈餘

及天漢十六日不見劉向以為尾宋地今楚彭城也箕為燕又為

吳越齊宿在漢中負海之國水澤地也是時景帝新立信用鼂錯

將誅王諸侯王其象先見後三年七國反皆誅滅云

孝景二年彗星出西南其三年吳楚七國反

中三年三月丁酉彗星夜見西北色白長丈在觜觿且去益小十

五日不見占曰必有破國亂君伏死其辜甯觸梁也其年梁王得罪

孝武建元三年二月有孛于汪張歷太微于紫宮至于天漢春秋星孛于北斗齊魯晉之君皆將死亂今星孛歷五宿其後濟東膠西江都王皆坐法削黜自殺淮南衡山反誅

三年四月有星孛于天紀至織女占曰織女有女變天紀為地震至四年十月而地動其後陳皇后廢

六年六月有星孛于北方劉向以為明年淮南王安有邪謀而陳皇后驕恣其後廢后王誅

八月長星出于東方長終天三十日云占曰是為蚩尤旗見則王者征伐四方其後兵誅四夷連數十年

元狩四年四月長星又出西北是時伐胡尤甚

班固曰建元六年蚩尤之旗見其長竟天後遂命將出征畧

取河南建置朔方其春庚太子生自是之後師行三十年所

誅屠夷滅死者不可勝數及巫蠱事起京師流血僵尸數萬

太子子父俱敗故太子生長於兵興之終始何獨一嬖臣哉

劉奉世曰按武紀建元六年長星見更元光至元朔元年春庚太子始生贅姝為非誤

元封元年五月有星孛于東井又孛于三台其後江充作亂京師紛然此明東井三台為秦地效也

元封中星孛于河戍占曰南戍為越門北戍為胡門其後漢兵擊拔朝鮮以為樂浪玄菟郡朝鮮在海中越之象也居北方胡之域也

太初中星孛于招搖星傳曰客星守招搖蠻夷有亂民死君其後漢兵擊大宛斬其王招搖遠夷之分也

宣帝地節元年正月有星孛于西方去太白二丈所劉向以為太白為大將彗孛加之掃滅象也明年大將軍霍光薨後二年家夷滅

元帝初元五年彗星出西北赤黃色長八尺所後數日長丈餘東北指在參分後二歲餘西羗反

成帝建始元年正月有星孛于營室青白色長六七丈廣尺餘劉向谷永以為營室後宮懷妊之象彗星加之將有害懷妊絕繼嗣者一曰後宮將受害也其後許皇后坐呪詛後宮懷妊者廢趙皇后立妹為昭儀害兩皇太子遂無嗣趙后姊妹卒皆伏辜

元延元年七月辛未有星孛于東井或五諸侯孟康曰五諸侯星各出河戌北率行軒轅大微後日六度有餘晨出東方十三日夕見西方犯次妃長秋斗填蠱炎再貫紫宮中大火當後達天河除於妃后之

域南浙度北大角攝提至天市而按節徐行謂行遲炎入市中旬

而後西去五十六日與蒼龍俱伏谷永對曰上古以來大亂之極所希有也察其馳騁驟步芒炎或長或短所歷奸犯師古曰內為奸音于

後宮女妾之害外為諸夏叛逆之禍劉向亦曰三代之亡攝提易方秦項之滅星孛大角是歲趙昭儀害兩皇太子後五年成帝崩

昭儀自殺哀帝即位趙氏皆免官爵徙遼西哀帝亡嗣平帝即位王莽用事追廢成帝趙皇后哀帝傳皇后皆自殺外家丁傅皆免

官爵徙合浦歸故郡平帝無嗣莽遂篡國哀帝建平二年二月彗星出牽牛七十餘日傳曰彗所以除舊布

新也牽牛日月五星所從起曆數之元三正之始彗而出之改更之象也其出父者為其事大也其六月甲子夏賀良等建言當改

元易號增漏刻詔書改建平二年為太初元年號曰陳聖劉太平

皇帝刻漏以百二十為度八月丁巳悉復蠲除之賀良及黨與皆
伏誅流放其後卒有王莽篡國之禍

王莽地皇三年十一月有星孛于張東南行五日不見孛星者惡
氣所生為亂兵或謂之彗星所以除穢而布新也張為周地星孛

于張東南行即軫翼之分軫翼為楚是周楚地將有兵亂後一年
正月光武起兵春陵破南陽更始為天子都雒陽西入長安光武

興河北復都雒陽居周地除穢布新之象
光武建武十五年正月丁未彗星見昴昴長三丈彗揚占曰稍西

北行入營室犯離宮離宮在昴大國起兵也三月乙未至東壁城見
四十九日彗星為兵入除穢昴為邊兵彗星出之為有兵至十一

月定襄都尉陰承反太守隨誅之盧芳從匈奴入居高柳至十六
年十月降上璽綬一曰昴星為獄事是時太司徒歐陽歙以事繫

獄踰歲死營室天子之常宮離宮死後之所居彗星入營室犯離
宮是除宮室也是時郭皇后已疏至十七年十月遂廢為中山太

后立陰貴人為皇后除宮之象
三十年閏月甲午水星在東井二十度生白氣東南指炎長五尺

為彗東北行至紫宮西藩止五月甲子不見凡見三十一日水常
以夏至放於東井閏月在四月尚未當見而見是羸而進也東井

為水衡水出之為大水是歲五月及明年郡國大水壞城郭傷禾
稼殺人民白氣為喪有災作彗彗所以除穢紫宮天子之宮彗加

其藩除宮之象彗星經曰彗在東井國大人死七十日後三年
光武帝崩

孝明帝永平三年六月丁卯彗星出天船比長二尺所稍北行至
亢南百三十五日去天船為水彗出為大水是歲伊維水溢到津

城門壞伊橋郡七縣三十二皆大水

八年六月長星出柳張三十七度犯軒轅刺天船陵大微氣至上階凡見五十六日去柳周地是歲多雨水郡十四傷稼

十八年六月己未彗星出張長三尺轉在郎將南入大微皆屬張

張周地為東都大微天子延彗星犯之為兵喪其八月帝崩

孝章建初元年八月庚寅彗星出天市長二尺所稍行入牽牛三

度積四十日稍滅十二月戊寅彗星出變三度長八九尺稍入紫

宮中百六日滅為

大人忌後四年明德皇后崩

孝安永初三年十二月彗星起天苑南東北指長六七尺色蒼白

天苑為外軍彗星出其南為外兵其後任尚馬賢等擊羗降之

孝順永建六年彗星出於斗牽牛滅於虛危虛危為齊牽牛吳越

故海賊浮於會稽山賊捷於濟南

六年二月丁巳彗星見東方長六七尺色青白西南指營室及墳

墓星和萌占曰彗星出而中營室天丁丑彗星在奎一度長六尺

癸未昏見河圖曰彗星出貫奎庫兵悉出西北歷昴畢甲申在東

井遂歷輿鬼柳七星張光炎及三台至軒轅中滅古今注曰五月

十一月甲午營室者天子常宮墳墓主死彗星起而在營室墳墓

不出五年天下有大喪後四年孝順帝崩昂為邊兵又為趙羗周

馬父子後遂為寇又劉文初清河相謝嵩欲立王蒜為天子嵩不

聽殺嵩王閉門距文官兵捕誅文蒜以惡人所初廢為尉氏侯又

徙為犍陽都鄉侯薨國絕歷東井輿鬼為秦皆羗所攻鈇炎及三

合為三公是時太尉杜喬及故太尉李固為梁冀所陷入坐文書

死及至注張為周滅於軒轅中為後宮其後懿獻皇后以憂死梁

氏被誅是其應也

孝桓建和元年八月乙丑彗星芒長五尺見天市中東南指色黃白九月戊辰不見時梁冀驕亂

延熹四年五月辛酉客星在營室稍順行生芒長五尺所至心一度轉為彗占為大喪後四年鄧氏以憂死

孝靈光和元年八月彗星出亢北入天市中長數尺稍長至五六丈赤色經歷十餘宿八十餘日乃消於天苑中彗除天市天帝將徙帝將易都至初平元年獻帝遷都長安

三年冬彗星出狼弧東行至于張乃去張為周地彗星犯之為兵亂後四年京都大發兵擊黃巾賊七月彗星出三台下東行入太微至太子幸臣二十餘日而消彗入太微天下易主至中平六年宮車晏駕

光和五年二月彗星出奎逆行入紫宮後三出六十餘日乃消占曰彗除紫宮天下易主

孝獻初平三年九月蚩尤旗見長十餘丈色白出角亢之南占曰蚩尤旗見則王征伐四方其後曹公征討天下且三十年

四年十月孛星出兩角間東北行入天市中而滅占曰彗除天市天帝將徙帝將易都是時上在長安後二年東遷明年七月至雒陽其八月曹公迎上都許

建安五年十月辛亥有星孛于大梁冀州分也時袁紹在冀州其年十一月紹軍為曹軍所破七年夏紹死後曹公遂取冀州九年十一月有星孛于東井輿鬼入軒轅太微

十一年正月星孛于北斗首在斗中尾貫紫宮及北辰占曰彗星掃太微宮人主易位其後魏文帝受禪

十二年十月辛卯有星孛于鶉尾荆州分也時荆州牧劉表據荆州時益州從事周群以荆州牧將死而失土明年秋表卒以小子琮自代曹公將伐荆州琮懼舉軍詣公降

十七年十二月有星孛于五諸侯周群以為西方專據土地者皆將失土是時益州牧劉璋據益州漢中太守張魯別據漢中韓遂據涼州宋建別據枹罕明年冬曹公遣偏將擊涼州十九年獲宋建韓遂逃於羗中病死其年秋璋失益州二十年秋公攻漢中魯降

二十三年三月孛星晨見東方二十餘日夕出西方犯歷五車東井五諸侯文昌軒轅后妃太微鋒炎拍帝坐占曰除舊布新之象也

魏文帝黃初六年十月乙未有星孛于少微歷軒轅占為兵喪除

舊布新之象時帝軍廣陵辛丑親御甲冑觀兵明年五月帝崩

明帝太和六年十一月景寅有星孛于翼近太微上將星占曰為兵喪井氏曰孛彗所當之國是受其殃翼又楚分野孫權封略也明年權有遼東之敗又明年諸葛亮入秦川孫權發兵緣江淮也要衝權自圍新城以應亮天子東征權

青龍四年十月甲中有星孛于大辰長三尺乙酉又孛于東方十一月巳亥彗星見犯宦者天紀星占曰大辰為天王天下有喪劉向五紀論曰春秋星孛于東方不言宿者不加宿也宦者在天市為中外有兵天紀為地震孛彗主兵喪

景初二年八月彗星見張長三尺逆西行四十一日滅占同上張

周分野

少帝正始元年十月乙酉彗星見西方在尾長二丈拂牽牛犯太

白十一月甲子進犯羽林占曰尾為燕又為吳牛亦吳越之分太白為上將羽林為中軍兵為吳越有喪中軍兵動

二年五月吳遣三將寇邊吳太子登卒六月宣帝討諸葛恪於臨太尉滿寵薨

六年八月戊午彗星見七星長二尺色白進至張積二十三日滅七年十一月癸亥又見軫長一尺積五十六日滅

九年三月又見昴長六尺色青白芒兩南指七月又見翼長二尺進至軫積四十二日滅按占曰七星張為周分野翼軫為楚昴為

趙魏彗所以除舊布新主兵喪也嘉平元年宣帝誅曹爽兄弟及其黨與皆夷三族京師嚴兵三年誅楚王彪又襲王凌於淮南淮

南東楚也魏諸王幽于鄴嘉平三年十一月癸亥有星孛于營室西行積九十日滅占曰有兵喪室為後宮後宮有亂

四年二月丁酉彗星見西方在胃長五六丈色白芒南指貫參積二十日滅

五年十一月彗星又見軫長五丈在太微左執法西南指積百九十日滅按占曰胃兗州分之野參主兵太微天子庭執法為執政

李彗為兵喪除舊布新之象正元元年二月李豐豐第翼后父張緝等謀亂皆誅皇后亦廢九月廢帝為齊王

高貴鄉公正元元年十一月白氣出南斗側廣數丈長竟天王肅曰蚩尤之旗也東南其有亂乎二年正月有彗星見于吳楚分西

北竟天鎮東大將軍母丘儉等據淮南叛景帝討平之按占蚩尤旗見王者征伐四方自後又征淮南西平巴蜀是歲吳主孫亮立

五鳳元年斗牛吳越分按占吳有兵喪除舊布新之象也太平三年孫綝盛兵圍宮廢亮為會稽王故國志又書於吳也淮南江東同揚州地故于時變見吳楚之分則魏之淮南多與吳同災是以母丘儉等以字為已應遂起兵而敗後三年即魏甘露二年諸葛誕又反淮南吳遣將救之及城陷誕眾與吳兵死沒各數萬人猶前長星之應也

甘露二年十一月彗星見角色白占曰彗星見兩角間色白者軍起不戰邦有大喪景元元年高貴鄉公為成濟所害

元帝景元三年十一月壬寅彗星見亢色白長五寸轉北行積四十五日滅占曰為兵喪一曰彗星見亢天子失德四年鍾會鄧艾伐蜀剋之二將俱以反誅

咸熙二年五月彗星見王良長丈餘色白東南指積十二月滅占

曰王良天子御駟彗星掃之禪代除舊布新之象也白色為喪王

良在東壁宿又并州之分野八月文帝崩十二月武帝受魏禪

晉武帝泰始四年正月景戌彗星見軫青白色西北行又轉東行

占曰為兵喪軫又楚分野三月皇太后王氏崩十月吳寇江夏襄

陽

五年九月星孛于紫宮占如上紫宮天子內宮十年武元楊皇后

崩

十年十二月有星孛于軫占曰天下有兵起軫又楚分野

咸寧二年六月甲戌星孛于氐占曰天子失德易政氏又兗州分

七月星孛大角大角為帝座八月星孛太微至翼北斗三台占曰

太微天子庭大人惡之一曰有改王翼又楚分野北斗主殺罰三

台為三公

三年正月星孛于西方三月星孛于胃胃徐州分四月星孛文御
女御為後宮五月又孛于東方七月星孛紫宮占曰天下易主

四年四月蚩尤旗見于東井後年傾三方伐吳是其應也

五年三月星孛于柳四月又孛于女御七月孛于紫宮占曰外臣

陵主柳又三河分野大角太微紫宮女御並為王者明年吳亡是

其應也孛主兵喪征吳之役三河徐兗之兵悉起交戰於吳楚之

地吳丞相都督以下衆戮十數備禰行陣之徒馘斬萬計皆其徵

也

太康二年八月有星孛于張占曰為兵喪十一月星孛于軒轅占

曰後宮當之

四年三月戊申星孛于西南是年齊王攸任城王陵琅邪王佑新

都王詠薨

八年九月星孛于南斗長數十又十餘日滅占曰斗主爵祿國有

大彗一曰孛于斗王者疾病天下易政大亂兵起

太熙元年四月客星在紫宮占曰為兵喪太康末武帝耽宴遊多

疾病是月巳酉帝崩

永平元年賈后誅楊駿及其黨與皆夷三族楊太后亦見弑又誅

汝南王亮太保衛瓘楚王偉王室兵喪之應也

惠帝元康五年四月有星孛于奎至軒轅太微經三台大陵占曰

奎為魯又為庫兵軒轅為後宮太微天子庭三台為三司大陵有

積尸死喪之事其後武庫火西羌反後五年司空張華遇禍賈后

廢死魯公賈謚誅又明年趙王倫篡位於是三王興兵討倫兵士

戰死十餘萬人

永康元年十二月彗星出牽牛之西指天市占曰牛者七政始彗

又獻卷二百八

身經考

十一

出之改元易號之象也天市一名天府一名天子旗帝坐在其中

明年趙王倫篡位改元尋為大兵所滅

二年四月彗見齊分占曰齊有兵喪時齊王固起兵討趙王倫倫

滅固明年復敗

太安元年四月彗星晝見二年三月彗見東方指三台占曰兵喪

象三台為三公三年正月東海王越執太尉長沙王又張方又殺

之

永興二年八月有星孛于昴畢占曰為兵喪昴畢又趙分野十

月丁丑有星孛于北斗占曰璇璣更授天子出走又曰疆國發兵

諸侯爭權是後諸王交兵皆有應明年惠帝崩

成帝咸和四年七月有星孛于西北犯斗二十三日滅占曰為兵

亂十二月郭默殺江州刺史劉胤荊州刺史陶侃討默斬之時石

勒又始備號

咸康二年正月辛巳彗星夕見西方在奎占曰為兵喪奎又為邊

兵

二年正月石季龍僭天王位四年石季龍伐慕容皝不克既退皝

追擊之又破麻秋時皝稱蕃邊兵之應也

六年二月庚辰有星孛于太微

七年三月杜皇后崩

康帝建元元年十一月六日彗星見亢長七尺白色占曰亢為朝

廷主兵喪二年康帝崩

穆帝永和五年十一月乙卯彗星見于亢芒西向白色長一丈

六年正月丁丑彗星又見于亢占曰為兵喪疾疫其五年八月褚

裒北征兵敗十一月冉閔殺石遵又盡殺胡十餘萬人於是中土

...

...

...

...

...

...

復大亂十二月褚哀薨是年大疫

升平二年五月丁亥彗星出天船在胃占曰為兵喪除舊布新出天船外夷侵一曰為大水四年五月天下大水五年穆帝崩

哀帝興寧元年八月有星孛于角亢入天市按占曰為兵喪三年正月皇后王氏崩二月帝崩慕容恪攻沒洛陽沈勁等戰死

孝武寧康元年正月丁巳有星孛于女虛經氏亢角軫翼張至二月景戌彗星見于氏九月丁丑有星孛于天市占曰為兵喪

大元元年七月符堅破涼州虜張天錫

十五年七月壬申有星孛于北河或經太微三台文昌入北斗色白長十餘丈八月戊戌入紫微乃滅占曰北河或一名胡門胡門

有兵喪掃太微入紫微王者當之三台為三公文昌為將相將相三公有災入北斗諸侯戮一曰掃北斗強國發兵諸疾爭權太人

安帝二十一年帝崩隆安元年王恭殷仲堪桓玄等並發兵請追玉國寶朝廷從而殺之司馬道子由是失勢禍亂成矣

安帝隆安四年二月己丑有星孛于奎長三丈上至閣道紫宮西

蕃入北斗魁至三台三月遂經于太微帝坐端門占曰彗星掃天子庭閣道易主之象經三台入北斗占同上條十二月戊寅有星

孛于貫索天市天津占曰貴臣獄死内外有兵喪天津為賊斷王道天下不動案占灾在吳越五年二月有孫恩兵亂攻侵郡國於

是内外戒嚴營陣屯守柵斷淮口九月桓玄表至逆謀陵上其後玄遂篡位亂京都大饑人相食百姓流亡皆其應也

義熙十一年五月甲申彗星二出天市掃帝坐在房心北房心宋之分野按占得彗柄者興除舊布新宋興之象

十四年五月庚子有星孛于北斗魁中七月癸亥彗星出太微西

柄起上相星下芒漸長至十餘丈進掃北斗紫微中台占曰彗出太微社稷亡天下易王入北斗紫微帝宮空十四年劉裕還彭城受宋公十二月安帝崩

恭帝元年正月戊戌有星孛于太微西蕃占曰革命之徵其年宋有天下

宋武帝永初三年二月丙戌有星孛于虛危十一月戊午有星孛于營室

少帝景平元年正月乙卯有星孛于東壁十月己未有星孛于氏文帝元嘉十九年九月景辰有客星在北斗因為彗入文昌貫五車掃畢拂天節經天苑季冬乃滅

二十六年十月癸卯彗星見于太微二十八年四月乙卯彗星見于昴六月壬子彗星見太微中對帝

齊東昏侯永元三年正月乙巳長星見竟天二月壬戌蚩尤旗見

和帝中興元年三月乙巳彗星竟天

梁武帝中大通五年正月己酉長星見

大同五年十月辛丑彗出南斗長一尺餘東南指漸長一丈餘十一月乙卯至婁滅占曰天下有謀王者其八年正月安成民劉敬躬挾左道反黨與數萬九年李贛稱皇帝於交州

陳文帝天嘉元年九月癸丑彗星長四尺見芒指西南占曰彗星見則敵國兵起得本者勝其年周將獨孤盛領眾趣巴湘侯瑱襲破之

六年六月辛酉有彗長丈餘見于上台占曰陰謀姦宄起一曰宮中火起其後帝崩安成王廢少帝而自立陰謀之應也

廢帝光大二年六月丁亥彗星見

宣帝大建七年四月景戌有星孛于大角占曰人主亡

十二年十二月辛巳彗星見西南占曰有兵喪明年帝崩始興王

叔陵作亂

後魏明元帝泰常元年五月甲申彗星二見

北齊武成帝河清四年三月彗星見占曰除舊布新易王至四月

傳位太子

後主天統元年六月壬戌彗星出文昌東北其大如手後移長乃

至丈餘百日乃滅

四年彗星見于東井 七月孛星見房心白如粉絮大如斗東行

八月入天市漸長四丈犯瓠瓜歷虛危入室犯離宮九月入奎至

婁而滅孛者孛亂之氣占曰兵喪並起國大亂易政大臣誅其後

天上皇崩至武平二年琅邪王儼矯詔誅錄尚書和士開既而殺儼

周武帝保定五年六月庚申彗星出三台入文昌犯上將後經紫

宮西垣入危漸長一丈餘指室壁後有餘日稍短長二尺五寸虛

危滅齊之分野

天和三年六月甲戌彗見東井長一丈上白下赤而光漸東行至

七月癸卯在鬼北八寸所乃滅占曰為兵國政崩壞將軍死大臣

誅

建德三年四月乙卯星孛于紫宮垣外大如拳赤白指五帝座漸

東南行稍長一丈五尺五月甲子至上台北滅占曰天下易政無

德者亡後二年帝滅齊

隋文帝開皇八年十月甲子有星孛于牽牛占曰臣殺君天下合

謀內不有大亂則外有大兵牛(真越)之星(陳)之分野後年(陳)氏滅
十四年十一月癸未彗星孛于虛危及奎婁(齊)(魯)之分野其後

(魯)公震慶則伏法(齊)公高穎除名

(煬)帝大業三年二月己丑彗星見于東井文昌歷大陵五車北河
入太微掃帝坐前後百餘日而止三月辛亥長星見西方竟天干
歷奎婁角亢而沒至九月辛未轉見南方亦竟天又干角亢頻掃
太微帝座干犯列宿唯不及參井經歲乃滅占曰去穢布新天所
以去無道建有德見久者灾深星大者事大行遲者期遠兵大起
國大亂而亡餘殃為水旱饑饉土功疾疫其後築長城討吐渾及
高麗兵戎連歲水旱疾疫土功相仍群盜並起邑落空虛
四年彗星出五車掃文昌至房而滅

十一年六月有星孛于文昌東南長五六十寸色黑而銳夜動搖西

北行數日至文昌去宮四五寸不入却行而滅占曰為急兵其八月突厥圍帝於鴈門矢及帝前

十三年六月有星孛于太微五帝座色黃赤長三四尺所數日而
滅占曰有亡國殺君明年三月宇文化及弑帝九月彗星見于營
室

唐高祖武德九年二月壬午有星孛于胃昴間丁亥孛于卷舌孛
與彗皆非常惡氣所生而孛火甚於彗

(太宗)貞觀八年八月甲子有星孛于虛危歷玄枵乙亥不見
十三年三月乙丑有星孛于畢昴

十五年六月己酉有星孛于太微犯郎位七月甲戌不見

(高宗)龍朔三年八月癸卯有彗星于左攝提長二尺餘乙巳不見
攝提建時節大臣象

乾封二年四月丙辰有彗星于東北在五車畢昴間乙亥不見
上元二年十二月壬午有彗星于角亢南長五尺

三年七月丁亥有彗星于東井指北河長三尺餘東北行光芒益
盛長三丈掃中台指文昌九月乙酉不見東井京師分中台文昌
將相位兩河天闕也

開耀元年九月丙申有彗星于天市中長五丈漸水東行至河鼓
癸丑不見市者貨食之所聚以衣食生民者一日帝將遷都河鼓
將軍象

永淳二年三月丙午有彗星于五車北四月辛未不見

中宗光宅元年九月丁丑有星如半月見于西方月衆陰之長星
如月者陰盛之極

文明元年七月辛未夕有彗星于西方長丈餘八月甲辰不見星
謂天棧

景龍元年十月壬午有彗星于西方十一月甲寅不見
二年二月丁酉有星孛于胃昴間胡分也八月壬辰有星孛于紫
宮

延和元年六月有彗星自軒轅入太微至大角滅

玄宗開元十八年六月甲子有彗星于五車 癸酉有星孛于畢
昴

二十六年三月丙子有星孛于紫宮垣歷北斗魁旬餘因雲陰不
見

肅宗乾元三年四月丁巳有彗星于東方在婁胃間色白長四尺
東方疾行歷昴畢觜觿參東井輿鬼柳軒轅至右執法西凡五旬
餘不見 閏月辛酉朔有彗星于西方長數丈至五月乃滅婁為

魯胃昴畢為趙紫鱗參為唐東井輿鬼為京師分柳其半為周分
二彗乃見者荐禍也又婁胃間天倉

代宗大曆元年十二月己亥有彗星于觜爪長尺餘經二旬不見
犯官者星

五年四月己未彗星于五車光芒蓬勃長三丈 五月己卯彗
星見于北方色白癸未東行近入穀中星六月癸卯近三公己未
不見占曰色白者太白所生也

七年十二月丙寅有長星于參下其長亘天長星彗屬參唐星也

憲宗元和十年三月有長星于太微尾至軒轅

十二年正月戊子有彗星于畢

穆宗長慶元年正月己未有星孛于翼 二月丁卯孛于太微西
上將六月有彗星于昴長一丈凡十日不見

文宗太和二年七月甲辰有彗星于右攝提南長二尺

八年九月辛亥有彗星于太微長丈餘西北行越郎位庚申不見
開成二年二月丙午有彗星于危長七尺餘西指南斗戊申在危
西南芒耀愈盛癸丑在虛辛酉長丈餘西行稍南指壬戌在婺女
長二丈餘廣三尺癸亥愈長且闊三月甲子在甯斗乙丑長五丈
其末兩歧一指氏一掩房丙寅長六丈無岐北指在亢七度丁卯
西北行東指己巳長八丈餘在張癸未長三尺在軒轅右不見凡
彗星辰出則西指夕出則東指乃常也未有遍指四方凌犯如此
之甚者 八月丁酉有彗星于虛危虛危為玄枵枵耗名也

三年十月乙巳有彗星于軫魁長二丈餘漸長西指 十一月乙

卯有彗星于東方在尾箕東西亘天十二月壬辰不見

四年正月癸酉有彗星于羽林衛分也 閏月丙午有彗星于卷

占西北二月巳郊不見

五年二月庚申有彗星于營室東壁間二十日滅 十一月戊寅有彗星于東方燕分也

武宗會昌元年七月有彗星于羽林營室東壁間也 十一月壬寅有彗星于北落師門在營室入紫宮十二月辛卯不見并州分也

宣宗大中六年三月有彗星于紫參參啓星也

十一年九月乙未彗星于房長三尺

懿宗咸通五年五月己亥夜漏未盡一刻有彗星出東北方色黃白長三尺在婁徐州分也

九年正月有彗星于婁胃

十年八月有彗星于大陵東北指占為外夷兵及水災

僖宗乾符四年五月有彗星

光啓元年有彗星于積水積薪之間

二年五月丙戌有星孛于尾箕歷北斗攝提占曰貴臣誅

昭宗大順二年四月庚辰有彗星于三台東行入太微掃大角天市長十丈餘五月甲戌不見宦者陳匡知星奏曰當有亂臣入宮三台太一三階也太微大角帝庭也天市都市也

景福元年五月蚩尤旗見初出有白彗形如髮長二尺許經數日乃從中天下如匹布至地如蛇六月孫儒攻楊行密于宣州有黑雲如山漸下隊于儒營上狀如破屋占曰營頭星也 十一月有星孛于斗牛占曰越有自立者 十二月丙子天攬出于西南巳郊化為雲而沒

二年三月天久陰至四月乙酉夜雲稍開有彗星于上台長十餘

丈東行入太微掃大角入天市經三旬有七日益長至二十餘丈因雲陰不見

乾寧元年正月有星孛于鶉首秦分也

天祐二年四月甲辰有彗星見于北河貫文昌長三丈餘陵中台下台五月乙丑夜自軒轅左角及天市西垣光芒猛怒其長亘天丙寅雲陰至辛未必霽不見兩河為天闕在東井開而北河中國所經也文昌天之六司天市都市也

梁太祖乾化二年四月壬申彗出張甲戌彗出靈臺

後唐明宗天成三年十月庚午彗出西南長丈餘東南指在牛宿五度至三夕不見

末帝清泰三年九月己丑彗出虛危長尺餘形微細細經天蠱哭星其年十一月帝遇難晉高祖登位

晉高祖天福六年九月壬子彗出西方掃天市垣長丈餘八年十月庚戌彗見東方西指尾迹長一尺在角九度

周世宗顯德三年正月壬戌夜有星孛于參宿其芒指於東南

宋太祖皇帝開寶八年六月甲子彗出柳長四丈晨見東方西南指歷輿鬼至東壁凡十一舍八十三日而滅是歲平江南

太宗端拱三年六月戊子有彗出東井積水西青白色光芒漸長晨見東北旬日夕見西北歷右攝提凡三十日至亢沒

真宗咸平元年正月甲申有彗出營室北光芒尺餘至丁酉凡十四日滅

六年十一月辛亥旄頭犯輿鬼占與彗同 甲寅有星孛于井鬼大如杯色青白光芒四尺餘犯五諸侯歷五車入參凡三十餘日沒占有燕兵明年冬契丹入寇

天禧二年六月辛亥彗出北斗魁第二星東北長三尺許與北斗第一星齊北行經天牢拂文昌長三丈餘歷紫微三台軒轅速行而西至七星凡三十七日沒

仁宗明道二年二月戊戌東北方有含譽星見其色黃白有光芒長二尺許其後章獻明肅太后崩或以為彗

景祐二年八月壬戌夜有星孛于張翼長十尺闊五寸十二日而沒十二月己未夜有星出外屏有芒氣

皇祐元年二月丁卯彗出虛晨見東方西南指歷紫微至婁凡一百一十四日而沒占曰有兵喪

嘉祐元年七月彗出紫微歷七星其色白長丈餘至八月癸亥滅治平三年三月己未彗出營室晨見東方長七尺許西南指危洎墳墓漸東速行近日而伏至辛巳夕見西北有星無芒彗益東行

別有白氣一闊三尺許貫紫微極星并房宿首尾入濁益東行歷文昌北斗貫尾至壬午星復有芒彗長丈餘闊三尺餘東北指歷

五車白氣為岐橫天貫北河五諸侯軒轅太微五帝座內五諸侯及角亢氐房宿癸未彗長丈五尺有星孛氣如一升器歷營室至

張凡一十四舍積六十七日星氣孛皆滅占曰白氣長星也孛氣孛也光如帚者彗也為兵喪水旱饑疫之災

神宗哲宗徽宗欽宗四朝彗孛

熙寧八年十月乙未星出東南軫度中如填青白丙申西北生光芒長三尺斜指軫若彗丁酉光芒長五尺戊戌長七尺斜指左轄

至丁未入濁不見主兵喪

元豐三年七月癸未彗出西北太微垣即位南白氣長一丈斜指東南在軫度中丙戌向西北方行在翼度中戊子長三尺斜穿郎

天禧二年六月辛亥
仁宗明道二年二月戊戌
景祐二年八月壬戌
皇祐元年二月丁卯
嘉祐元年七月
治平三年三月己未
神宗哲宗徽宗欽宗四朝彗孛

仙癸卯犯軒轅至丁酉入濁不見庚子晨復出於張度中至戊午凡三十有六日沒不見主即位除舊布新兵喪火災又主京城有兵變

紹聖四年八月己酉彗出氐度中如填有光色白氣長三尺斜指天市垣巴星九月壬子光芒長五尺入天市垣己未犯天市宦者主侍臣有憂庚申犯天市垣帝坐戊辰沒不見主兵喪大水及赦又主五穀大貴侍臣有憂又主人民亂大臣憂

崇寧五年正月戊戌彗出西方如杯口大光芒散出如碎星長六丈闊三尺斜指東北自奎宿貫婁胃昴畢後入濁不見主兵喪大饑西北宜備之

大觀四年五月丁未彗出奎婁光芒長六尺北行入紫微垣至西北入濁不見主水旱穀傷兵饑人主惡之

靖康元年六月壬戌彗出紫微垣主天下兵變破軍亡國 閏十一月彗竟天時金人入寇京城失守

高宗紹興元年九月偽齊長星見於是劉豫謀明年遷 十二月戊寅彗星見

二年八月甲寅彗見胃占彗大則除舊布新兵饑疫癘水旱交興至九月甲戌乃沒次年金虜陷金州入興元

十五年四月戊寅彗出東方宿度內五十餘日乃沒占為兵饑臣下失忠務私彗掃除之丙申復出參度旬有五日乃伏是歲蒙國始建號改元 五月丁巳彗星因為客星其色青白占喪

十六年十二月戊戌彗出西南危宿

十七年正月乙亥彗出東北方女宿二月二日乃伏

二十六年七月丙午彗見東北方井宿內丁未其星如木星光芒

長二丈占天所以去無道建有德彗出有叛者兵起大水晉邦尤甚彗晨見東方又為君臣爭明 癸丑夜彗星犯五諸侯占大臣憂執法之臣凶

孝宗淳熙二年七月辛丑夜西北泛出一小星在紫微垣外七公星之上小如火星參然蓬字體氣蒼白是為字星占字星惡氣所生為亂兵字德又云參然字馬兵之類也無內亂則水兵天下合謀聞敵不明有所傷害灾甚於彗

寧宗嘉定十五年八月甲午彗星出右攝提光芒約三丈已上其體小如木星凡兩月行歷氐房心乃沒占彗本類星未類彗大則除舊布新天所以去無道而建德彗出有叛者兵起其國彗星皆見其國受兵於是其應金主祖九月壬戌彗星消伏

文獻通考卷之二百八十六
又獻通考卷之二百八十七

鄒陽 馬 端臨 貴與 著

彗考

月五星凌犯

秦始皇之時熒惑守心及天市芒角色赤如雞血始皇既死適庶相殺二世即位殘骨肉戮將相

太白再經天因以張並與兵相踣籍也音臺登躡秦遂以亡

漢高帝三年秋太白出西方有光幾中幾中近乍北乍南過期乃入辰星出四孟法當出四仲出四孟為易主之象是時項羽為楚王而漢已定三

秦與相距滎陽太白出西方有光幾中是秦地戰將勝而漢國將興也辰星出四孟易正之表也後二年漢滅楚

十二年春熒惑守心王心為天也四月宮車晏駕

文獻通考卷之二百八十七

彗考

彗

孝文帝後七年七月火東行行畢陽環畢東北出而西進行至昂
即南乃東行占曰為喪死寇亂畢昂趙也其年帝崩

孝景三年填星在婁幾入還君奎奎魯也占曰其國得地為得填
星是歲魯為國

四年七月癸未火入東井行陰又以九月己未入輿鬼戊寅出占
曰為誅伐又為火災後二年有粟民事其後未央東闕災 中元

三年填星當在觜麟參去君東井占曰亡地不迺有女憂
孝武建元六年熒惑守輿鬼占曰為火變有喪是歲高園火裁實

太后崩
元鼎五年有太白入于天苑占曰將以馬起兵一曰馬將以軍而
死耗其後以天馬故誅大宛馬大死於軍 元鼎中熒惑守南斗

占曰熒惑所守為亂賊喪守之久其國絕祀南斗越分也其後
越相呂嘉殺其王及太后漢兵誅之滅其國

孝昭始元中漢宦者梁成恢及燕王侯星者吳莫如見蓬星出西
方天市東門行過河鼓入營室中恢曰蓬星出六十日不出三年

下有亂臣戮死於市後太白行西方下行一舍復上行二舍而下
去太白主兵上復下將有戮死者後太白出東方入咸池東下入

東井人臣不忠有謀上者後太白入太微西藩第一星北出東藩
第一星北東下去太微者天廷也太白行其中宮門當閉大將被

甲兵邪臣伏誅熒惑在婁逆行至奎法曰當有兵後太白入昂莫
如曰蓬星出西方當有大臣戮死者太白星入東井太微廷出東

門漢有死將後熒惑出東方守太白兵當起主人不勝後流星下
燕萬載宮極東去李奇曰極屋梁也三輔間名為極或曰極棟也

也關精法曰國恐有誅其後左將軍桀驃騎將軍安與長公主燕刺

王謀作亂咸伏其辜兵誅烏桓

孝宣本始元年四月壬戌甲夜辰星與參出西方其二年七月辛

亥夕辰星與翼出皆為蚤占曰大臣誅其後熒惑守房之鉤鈴鉤

鈴天子之御也晉灼曰上言房為天駟其陰右駟占曰不太僕則

奉車不黜即死也房心天子之宮也房為將相心為子屬也其地

宋今楚彭城也

四年七月甲辰辰星在翼月犯之占曰兵起上鄉死將相也是日

熒惑入輿鬼天質占曰大臣有誅者名曰天賊在大人之側

地節元年正月戊午乙夜月食熒惑孟康曰凡星入月見月中為

星熒惑在角亢占曰憂在宮中非賊而盜也有內亂諛臣在旁其

辛酉熒惑入氏中氏天子之宮熒惑入之有賊臣後四年霍氏謀

反坐誅

李成建始四年七月熒惑踰歲星居其東北半寸所如連李時歲

星在關星西四尺所熒惑初從畢口大星東東北往數日至性疾

去遲占曰熒惑與歲星闔有病君饑歲至河平元年三月旱傷麥

民食榆皮二年十二月壬申太皇太后避時昆明東觀如淳曰食

修兒明池列闕環之或曰十一月乙卯月食填星星不見時在輿

鬼西北八九尺所占曰月食填星流民千里河平元年三月流民

八函谷關

河平二年十月下旬填星在東井軒轅南端大星尺餘歲星在其

西北尺所熒惑在其西北二尺所皆從西方來填星貫輿鬼先到

歲星次熒惑亦貫輿鬼十一月上旬歲星熒惑西去填星皆西北

逆行占曰三星若合是謂驚位是謂絕行外內有兵與喪改立上

公其十一月丁巳夜郎王歆大逆不道牂柯太守立捕殺歆三年

漢書卷之五十八

卷之五十八

三

九月東郡盜起左將軍千秋卒史丹為左將軍明年梁王賀薨

陽朔元年七月壬子月犯心星占曰其國有憂若有大喪房心為

宋今楚地十一月楚王友薨

綏和二年春熒惑守心二月乙丑丞相翟方進欲塞災異自殺三

月丙戌宮車晏駕

哀帝元壽元年十一月星歲入太微逆行干右執法占曰大臣有

憂執法者誅若有罪二年十月戊寅高安侯董賢免大司馬歸第

自殺

李尋上疏曰臣聞五星者五行之精五帝司命應三者號令

為之節度歲星主歲事為統首號令所紀令失度而盛此君

指意欲有所為未得其節也又填星不避歲星者后帝共政

相妻於空妻張晏曰歲星為帝當以義斷之災或往來亡常

周歷兩宮作態低印謂陰微太微入天門上明堂貫尾亂宮

孟康曰角兩星為天門房為明堂尾為後宮太白發越

犯庫張晏曰發越疾貌庫天兵寇之應也貫黃龍入帝庭

日黃龍當門而出隨熒惑入天門至房而分欲與熒惑為患

不敢當明堂之精此陛下神靈故禍亂不成也熒惑厥弛

日厥弛佞巧依執微言毀譽進類蔽善師古曰進其黨太白

出端門孟康曰端門臣有不臣者火入室益上堂張晏曰熒

也孟康曰火入室謂熒惑壁兩宮不以時解其憂凶填歲相

守又主內亂宜察蕭牆之內毋忽親疏之微師古曰微誅放

佞人防絕萌芽以盪滌濁滅消散積惡師古曰積毋使得成

禍亂辰星主正四時當效於四仲四時失序則辰星作異今

出於歲首之孟天所以謹告陛下也政急則出早政緩則出

漢書卷一百一十七 天官書第七

晚政絕不行則伏不見而為彗第師古曰第四孟皆出為易

王命四季皆出為星家所諱今幸獨出寅孟之月蓋皇天所

以篤右陛下師古曰篤厚也右宜深自改治國故不可以戚

戚欲速則不達經曰三載攷績三考黜陟師古曰虞書舜典

攷功績三考加以號令不順四時既往不咎來事之師也

主莽地皇四年秋太白在大微中燭地如月先太白為兵大微為

天廷太白贏而北入大微是大兵將入天子廷也是時莽遣兵至

昆陽為光武所破漢將鄧暹等進攻京師十月殺莽大兵蹈籍宮

廷之中更始入長安復敗赤眉立劉盆子為天子皆以大兵入宮

廷是其應也

光武建武六年九月丙戌月犯太微西藩 十一月辛亥月犯軒

輅

七年九月庚子土入鬼中漢史鎮星逆行輿鬼女主貴親有憂

咸曰有土功事 是歲太白經太微

八年四月辛未月犯房第二星光芒不見

九年正月乙卯金犯婁南星 甲子月犯軒輅第二星壬寅犯心

火星 七月戊辰月並犯昴黃帝星占土犯鬼皇后有憂失亡其

勢河圖月犯房天子有憂四足之蟲多死漢史曰國有憂將軍死

九年七月乙丑金犯軒輅大星十一月金又犯軒輅孟康曰犯七

相及也韋昭曰自下往觸之曰犯軒輅者後宮之官大星為皇后金犯之為失勢

時郭后已失勢見踈後廢為中山太后

十二年七月丁丑月犯昴頭兩星 八月辛酉水見東方翼分

九月甲午火犯輿鬼

十三年二月乙卯火犯輿鬼西北黃帝占曰熒惑守輿鬼大人憂

一曰多火灾石氏曰為旱

十六年四月土星逆行

十七年三月乙未火逆行從東門入太微到執法星東巳酉南出

端門

十八年十二月壬戌月犯木星

十九年閏月戊申火逆從氏到亢

二十一年七月辛酉月入畢

二十三年三月癸未月食火星鄰萌曰熒惑逆行氏為失火

三十一年七月戊午火在輿鬼一度入鬼中出口星南半度十月

巳亥犯軒轅大星熒惑為凶衰其後二年光武崩

中元二年八月丁巳火犯太微西南角星相去二寸西南角星為

將相後太尉趙熹司徒李訢坐事免官

華明永平元年閏九月辛未火在太微左執法星所光芒相及

十一月辛未土逆行乘東井北軒轅第二星

二年十二月戊辰月食火星

十年七月甲寅月犯歲星

十一年六月壬辰火犯土星

十三年閏月丁亥火犯輿鬼為大喪質星為大臣誅戮晉灼曰鬼

白者為質其年十二月楚王英坐謀逆自殺

十五年十一月乙丑太白入月中為大將戮人主亡不出三年後

三年孝明帝崩

十六年正月丁丑歲星犯房右驂北第一星不見辛巳乃見石氏

曰歲星守房良馬出廐古房右驂為貴臣歲星犯之為見誅是後

今註曰正月丁未月犯房司徒邢穆坐與阜陵王延交通知逆謀自殺四月癸未太白犯畢

畢為邊兵後北匈奴寇入雲中至咸陽使者高弘發三郡兵追討無所得太僕祭彤坐不進下獄

孝章建初元年正月丁巳太白在昴西一尺 二月甲申金入斗

魁

孝和末元二年九月金犯軒轅占曰女主失勢其年竇氏被誅太后失勢

五年正月甲戌月乘歲星 七月壬午歲星犯軒轅大星九月金

在南斗魁中為水石氏為大將將死火犯房北第一星為將相其

六年正月司徒丁鴻薨 十二月車騎將軍馮坐追虜失利下獄

死

六年六月丁亥金在東井

十三年正月辛未水乘輿鬼 十二月癸巳犯軒轅大星

十四年正月乙卯月犯軒轅在大微中二月丁酉水入太微西門

十六年七月庚午水在輿鬼中輿鬼為死喪後一年帝崩

孝安末初元年五月戊寅熒惑逆行守心前星心為天子明堂熒

惑逆行守之為反臣時安帝末臨朝鄧太后攝政鄧騭及第悝等

秉國司空周章意不平謀閉宮門誅騭等廢太后及帝事覺自殺

三年正月庚戌月犯心後星河圖曰亂已亥太白入斗中月犯心

後星不利子心為宋五月丁酉沛王牙薨太白入斗中為貴相凶

臣昭按揚學對曰以為諸侯王子多在京師容有非常宜亟發

還本國太后從之星尋滅不見以斯而言太白入之災在貴相六

月癸酉太白入輿鬼為將凶後中郎將任尚坐贓棄市

元初元年三月癸酉熒惑入輿鬼

二年九月辛酉熒惑入輿鬼中

三年三月熒惑入輿鬼中 五月丙寅太白入畢口黃帝占曰大

攻近廟十五

日遠期四十日又曰七月甲寅歲星入輿鬼閏月己未太白犯太

微及左執法

四年正月丙戌歲星留輿鬼中石氏經曰歲星入留輿鬼五十日

黃帝經曰守鬼十日金鐵散諸侯和四月壬戌太白入輿鬼中石

占太白入鬼一日病己巳辰星入輿鬼中和謂曰以罪誅大臣一

五月己卯辰星犯歲星六月丙申熒惑入輿鬼中戊戌犯輿鬼大

星九月辛巳太白入南斗口中黃帝經曰六人

五年三月丙申鎮星犯東井鉞星五月庚午辰星犯輿鬼質星丙

戌太白犯鉞星

六年四月癸丑太白入輿鬼和謂曰太白守六月丙戌熒惑在輿

鬼中黃帝經曰熒惑犯守鬼國有大喪有女喪大將有死丁卯鎮

星在輿鬼中黃帝經曰鎮星入鬼中大辛未太白犯左執法自承

初五年到承寧七年之中太白一晝見經天再入輿鬼一守畢再

犯左執法入南斗犯鉞星熒惑五入輿鬼鎮星一犯東井鉞星一

入輿鬼歲星辰星再入輿鬼凡五星入輿鬼中皆為死喪熒惑太

白甚犯越質星為誅戮斗為貴將執法為近臣客星在虛危為喪

為哭泣星占曰不一昂畢為邊兵又為獄事至建光元年三月癸

巳鄧太后崩五月庚辰太后兄車騎將軍騭等七侯皆免官自殺

是其應也

延光古今註曰元年四二年八月己亥熒惑出太微端門二年二

月辛未太白犯昴石氏星占曰太白守昴女從門關入主人走五

月癸丑太白入畢和謂曰太白入畢口馬九月壬寅鎮星犯左執

法

四年太白入輿鬼中古今註曰四月六月壬辰太白出太微九月甲

子太白入斗口中十一月客星見天市熒惑出太微為亂臣太白
犯昴畢為近兵一曰大人當之鎮星犯左執法有誅臣太白入輿
鬼中為大喪太白出太微為中宮有兵入斗口為貴將相有誅時
大將軍耿寶中常侍江京與阿母王聖等構譖太子保廢之以北
鄉侯懿代四年三月帝崩立北鄉侯侯病薨京等復不欲立保白
太后更徵諸王子擇所立中黃門孫程等共誅江京閹顯立保為
天子是為順帝皆姦人疆臣狂亂王室其於死亡誅戮兵起宮中
是其應也

孝順永建二年二月丁巳月犯心七月丁酉犯昴八月乙巳熒惑
入輿鬼

三年二月癸未月犯心後星

五年熒惑守氏諸侯有斬者是冬班始腰斬馬市

六年四月熒惑入太微中犯左右執法西北方六寸所

永和二年八月庚子熒惑犯南斗斗為吳黃帝經曰不替年國有

災二日旱古今註曰九月壬午月入畢口中明年五月吳郡太守行丞事羊珍等反又

江賊蔡伯流等攻廣陵燒城郭殺都尉三年八月甲寅辰星入輿

鬼巳酉熒惑入太微辰入輿鬼為大臣有死者入太微亂臣在廷

中其四年祀南郊中常侍張達等與曹騰等爭權白帝言騰等反

矯詔收之騰等自解詭帝悟達自知事不諧乃奔走自刺又征西

將軍馬賢擊西羌父子俱戰歿是其應也

四年七月熒惑入南斗犯第三星八月入太微斗為貴相為揚州

熒惑犯之為兵喪其六年大將軍梁商薨九江丹陽賊周生等反

攻沒郡縣

漢安二年五月丁亥辰星犯輿鬼占為大喪六月乙丑熒惑光芒

犯鎮星占為大人忌明年八月順帝崩又明年中帝崩

孝質本初元年三月癸丑熒惑入輿鬼四月辛巳太白入輿鬼皆為大喪五月庚戌太白犯熒惑為逆謀閏月一日帝為梁冀所鴆崩

孝桓建和元年八月壬寅熒惑犯輿鬼質星

二年二月辛卯熒惑行在輿鬼中

三年五月己丑太白行入太微右掖門留十五日出端門丙申熒惑入東井八月己亥鎮星犯輿鬼中南星乙丑彗星芒長五尺見天市中東南指色黃白九月戊辰不見熒惑犯輿鬼為死喪質星為戮臣入太微為亂臣鎮星犯輿鬼為喪彗星見天市中為質貴人至和平元年十二月甲寅梁太后崩梁冀益驕亂矣

求壽元年三月丙申鎮星逆行入太微中七十四日去左掖門七月

月己未辰星入太微中八十九日去左掖門八月己巳熒惑入太微

二十一日出端門太微天子廷也鎮星為貴臣妃后逆行為匿謀

辰星入太微為大水一曰後宮有憂是歲雒水溢至津門南陽大

水熒惑留入太微中又為亂臣是時梁氏專政九月癸巳熒惑犯

歲星為姦臣謀大將戮

二年六月甲寅辰星入太微遂伏不見辰星為水為兵為妃后八

月戊午太白犯軒轅大星為皇后其三年四月戊寅熒惑入東井

口中為大臣有誅考其七月丁丑太白犯心前星為大臣後二年

四月懿獻皇后以憂死大將梁冀使太倉令秦宮刺殺議郎酈尊

又欲殺鄧后母宣事覺桓帝收冀及妻壽襄城君印綬皆自殺誅

諸梁及孫氏宗族或徙邊是其應也

延禧四年三月甲寅熒惑犯輿鬼質星其占大臣有戮死者五年

南郡太守李肅坐罪棄市

七年七月戊辰辰星犯歲星八月庚戌熒惑犯輿鬼質星庚申歲星犯軒轅大星十月丙辰太白犯房北星丁卯辰星犯太白十二月乙丑熒惑犯軒轅第二星辰星犯歲星為兵熒惑犯質星有戮臣歲星犯軒轅為女主憂太白犯房北星為后宮其八年二月太僕南鄉侯左勝以罪賜死勝弟中常侍上蔡侯棺北鄉侯黨皆自殺癸亥皇后鄧氏坐執左道廢遷于祠宮死親黨皆繫暴室又荆州刺史芝等坐為賊所拘略桂陽太守任胤背敵走皆棄市是其應也

八年五月癸酉太白犯輿鬼質星壬午熒惑入太微右執法閏月己未太白犯心前星十月癸酉歲星犯左執法十一月戊午歲星入太微犯左執法九年正月壬辰歲星入太微中五十八日出端門六月壬戌太白行入輿鬼七月乙未熒惑行輿鬼中犯質星九月辛亥熒惑入太微西門積五十八日

東康元年正月庚寅熒惑逆行入太微東門留太微中百一日出端門七月丙戌太白晝見經天太白犯心前星太白犯輿鬼質星有戮臣熒惑入太微為賊臣太白犯心前星為兵喪歲星入太微犯左執法將相有誅者歲星入守太微五十日占為人憂太白熒惑入輿鬼皆為死喪又犯質星為戮臣熒惑留太微中百一日占為人主太白晝見經天為兵憂在大人其九年十一月太原太守劉瓚南陽太守成瑨皆坐殺無辜荆州刺史李隗為賊所拘尚書郎孟璫坐受金漏言皆棄市東康元年十二月丁丑(桓帝)崩太傅陳蕃大將軍竇武尚書令尹勳黃門令山冰等皆枉死太白犯心熒惑留守太微之應也

孝靈建寧元年六月太白在西方入太微犯西蕃南頭星太微天
廷也太白行其中宮門當閉大將被甲兵大臣伏誅其八月陳蕃
竇武等被害

熹平元年十月熒惑入南斗中占曰熒惑所守為兵亂斗為吳其
十一月會稽許昭等聚眾自稱大將軍攻破郡縣

五年四月熒惑在太微中守屏占為亂臣是時中常侍趙忠張讓
等並為姦亂

光和三年四月營惑逆行守心後星十月戊午月食心後星占曰
為大喪後三年帝崩

中平六年八月丙寅太白犯心前星戊辰犯心中大星其日未冥
四刻大將軍何進於省中為諸黃門所殺已巳車騎將軍何苗為
進部曲將吳匡所殺

魏文帝黃初四年三月癸卯月犯心大星占曰心為天王位王者
惡之十二月丙子月犯心大星占同上

五年歲星入太微逆行積百四十九日乃出占曰五星入太微從
右入三十日已上人主有大憂一曰有赦至七年五月帝崩明年
帝即位赦天下六年五月壬戌熒惑入太微至壬申與歲星相及
俱犯右執法至癸酉乃出占曰從右入三十日已上人主有大憂
又日月五星犯左右執法大臣有憂一曰執法者誅金火尤甚十
一月皇子東武陽王鑿薨七年正月驃騎將軍曹洪免為庶人四
月征南大將軍夏侯尚薨五月帝崩蜀記稱明帝問黃權曰天下
鼎立何地為正對曰當驗天文往者熒惑守心而文帝崩吳蜀無
事此其徵也按三國史並無熒惑守心之文疑是入太微八月吳
遂圍江夏寇襄陽大將軍宣帝救襄陽斬吳將張霸等兵喪更王

之應也

明帝太和五年五月熒惑犯房占曰房四星股肱臣將相位也月五星犯之將相有憂其七月車騎將軍張劭追諸葛亮為亮所殺十二月太尉華歆薨十一月乙酉月犯軒轅大星占曰女主憂十二月甲辰月犯鎮星凡月蝕五星其國皆亡五星入月其野有逐相

六年三月乙亥月犯軒轅大星

青龍二年十月乙丑月犯鎮星戊寅月犯太白占曰人君死又為

兵景初元年公孫淵叛討之三年正月帝崩

三年三月辛卯月犯輿鬼輿鬼主斬殺占曰人多病國有憂又曰大臣憂是年夏及冬大疫四年五月司徒董昭薨七月己巳月犯

權閉占曰有火災三年七月崇華殿災

二年六月寸未填星犯井鉞戊戌太白又犯之占曰九月五星犯

井鉞悉為兵災一曰斧鉞用大臣誅七月填星犯東井距星占曰

大人憂大水五穀不成景初元年夏大水傷稼十月月犯熒惑占

曰貴人死二年四月司徒韓暨薨

四年五月太白犯畢左股第一星占曰畢為邊兵又主刑罰九月

涼州塞外胡阿畢師使侵犯諸國西域校尉張就討之斬首捕虜

萬計七月甲寅太白犯軒轅大星占曰女王憂其後皇后毛氏崩

景初二年二月己丑月犯心距星又犯中央大星五月乙亥月又

犯心距星及中央大星按占曰王者惡之犯前星太子有憂三年

正月帝崩太子立卒見廢其年十月甲午月犯箕占曰將軍死正

始元年車騎將軍黃權薨

少帝正始元年四月戊午月犯昴東頭第一星十月庚寅月又犯

昴北第四星占曰月犯昴胡不安二年六月鮮卑阿奴兒等寇西
方敦煌太守王延破之斬二萬餘級三年又斬鮮卑大師及千餘
級二年九月癸酉月犯輿鬼西北二星三年二月丁未又犯西南
星占曰有錢令一曰大臣憂三年三月太尉滿寵薨四年正月帝
知元服賜群臣錢各有差

四年十一月月再犯井鉞是月宣帝討諸葛恪恪棄城走五年三
月曹爽征蜀五年十一月癸巳填星犯亢距星占曰諸侯有失國
者

七年七月丁丑月犯左角占曰天下有兵左將軍死七月乙亥熒
惑犯畢距星占曰有邊兵一曰刑罰用

九年正月辛亥月犯亢南星占曰兵起一曰將軍死七月癸丑填
星犯鍵開占曰王者不宜出宮下殿嘉平元年天子謁陵宣帝奏
請曹爽等天子野宿於是失勢

嘉平元年正月甲子太白襲月六月太白犯井距星占曰國失政
大臣為亂四月太白犯輿鬼占曰大臣誅一曰兵起其年宣帝奏
廢誅曹爽

二年三月己未太白又犯井距星三年七月王凌與楚王彪有謀
皆伏誅人主遂卑吳孫權赤烏十三年夏五月日北至熒惑逆行
入南斗秋七月犯魁第三星而東漢晉春秋云逆行按占熒惑入
南斗三月吳王死一曰熒惑逆行其地有死君太和二年權薨是
其應也故國志書於吳是時王凌謀立楚王彪謂斗中有星當有
暴貴者以問知星人浩詳詳疑有故欲悅其意不言吳有死喪而
言淮南楚分吳楚同占當有王者興故凌計遂定三年四月戊寅
月犯東井五月甲寅月犯亢距星占曰軍將死一曰為兵是月王

凌(楚)王虎等誅七月皇后甄氏崩四年三月(吳)將為寇鎮東將軍諸葛誕破走之其年七月己巳月犯輿鬼九月乙巳又犯之十月癸未熒惑犯亢南星占曰臣有亂四年十一月丁未月犯鬼積尸五年六月戊午太白犯角占曰群臣有謀不成庚辰月犯箕星占曰軍將死七月月犯星并鉞景午月又犯鬼西北星占曰國有憂十一月癸酉月犯東井距星占曰將軍死正元元年正月鎮東將軍毋丘儉揚州刺史文欽反兵俱敗誅死二月李豐及弟翼后父張緝等謀亂事覺悉誅皇后張氏廢九月帝廢為(齊)王(蜀)將姜維攻隴西車騎將軍郭淮討破之

高貴鄉公(正元)二年二月戊午熒惑犯東井北轅西頭第一星甘露元年七月乙卯熒惑犯東井越星壬戌月又犯鉞星八月辛亥月犯箕(吳)廢孫亮太平元年九月壬辰太白犯南斗(吳)志所書也

占曰太白犯斗國有兵大臣有反者其明年諸葛誕反又明年孫林廢亮(吳)魏並有兵事也甘露元年九月丁巳月犯東井二年六月己酉月犯心中央大星八月壬子歲星犯井鉞九月庚寅歲星逆行乘井鉞十月景寅太白犯亢距星占曰逆臣為亂人君憂景元元年五月有成濟之變諸葛誕誅皆其應也

二年三月庚子太白犯東井占曰國失政大臣為亂是夜歲星又犯東井占曰兵起至景元元年(高貴鄉公)敗

三年八月壬辰歲星犯輿鬼鎖星占曰斧鑕用大臣誅四年四月甲申歲星又犯輿鬼東南星占曰鬼東南星主兵木入鬼大臣誅景元元年殺尚書王(經)

(元)帝景元元年二月月犯建星按占月五星犯建星大臣相諧其後鍾會鄧艾破(蜀)會諧艾

二年四月熒惑入太微犯右執法占曰人主有大憂一云大臣憂
四年十月歲星守房占曰將相有憂一云有大赦明年鄧艾鍾會
皆夷滅赦蜀主五年帝遜位

通考卷之二百八十七

文獻通考卷之二百八十八

鄒陽 馬 端臨 貴與 著

象緯考

月五星凌犯

晉武帝咸寧四年九月太白當見不見占曰是謂失舍不有破軍
必有亡國是時羊祜表求伐吳上許之五年十一月兵出太白始
夕見西方太康元年平吳

太康八年三月熒惑守心占曰王者惡之太熙元年四月乙酉帝
崩

惠帝元康三年四月熒惑守太微六十日占曰諸侯三公謀其上
必有斬臣一曰天下亡國是春太白守畢至是百餘日占曰有急
令之憂一曰相死又為邊境不安後賈后陷殺太子

文獻通考

象緯考

卷之二

六年十月乙未太白晝見

九年六月癸惑守心占曰王者惡之八月癸惑入羽林占曰禁兵大起其後帝見廢為太上皇俄而三王起兵討趙王倫倫悉遣中軍兵相距累月

永康元年三月中台星拆太白晝見占曰台星失常三公憂太白晝見為不臣是月賈后殺太子趙王倫尋廢殺后斬司空張華其五月癸惑入南斗占曰宰相死兵大起斗又吳分野是時趙王倫為相明年篡位三王與師誅之太安二年石冰破揚州其八月癸惑入箕占曰人主失位兵起明年趙王倫篡位改元

二年二月太白出西方逆行入東井占曰國失政大臣為亂是時齊王囿起兵討趙王倫倫滅囿擁兵不朝專權淫奢明年誅死未寧元年七月歲星守虛危占曰有兵憂虛危齊分一曰守虛危

守危搖役繁多下辰竭辰星入大微占曰為內亂群臣相殺太白守右掖門占曰為兵為亂為賊八月戊午填星犯左執法又犯上相占曰上相憂癸惑守昴占曰趙魏有火辰星守輿鬼占曰秦有災九月丁未月犯左角占曰人主憂一曰左衛將軍死天下有兵太安二年二月太白入昴七月癸惑入東井是秋太白守大微占曰天下擾兵大起國亂上將以兵亡是年冬成都河間攻洛陽八月長沙王奉帝出距二王二年正月東海王越執長沙王義張方又殺之十一月庚辰歲星入月中占曰國有逐相十二月壬寅太白犯月占曰天下有兵

三年正月月犯太白癸陽入南斗占同七月左衛將軍陳彌率眾奉帝伐成都王六軍敗績兵逼乘輿時天下盜賊群起張昌尤盛未興元年七月庚申太白犯角亢經房心歷尾箕九月入南斗占

曰犯角天下大戰犯亢有大兵人君憂入房心為兵喪犯尾箕女
主憂一曰天下大亂入南斗有兵喪一曰將軍為亂其所犯守又
兗豫幽冀揚州之分野是年七月有蕩陰之役九月王浚殺幽州
刺史和演攻鄴鄴潰於是兗豫為天兵衝陳敏又亂楊土劉元海
石勒李雄等並起微賤跨有州郡皇后羊氏數被幽廢皆其應也
二年四月景子太白犯狼星占曰大兵起九月歲星守東井占曰
有兵井又秦分野是年苟晞破公師蕃張方破范陽王熲關西諸
將攻河間王顥奔走東海王迎殺之

熙光元年四月太白失行自翼入尾箕占曰太白失行而北是謂
反生不有破軍必有屠城五月汲桑攻鄴魏郡太守馮嵩出戰大
敗桑遂害東燕王騰殺萬餘人焚燒魏時宮室皆盡其九月丁未
熒惑守心占曰王者惡之巳亥填星守房心占曰填守房多禍喪
守心國內亂天下赦是時司馬越專權終以無禮破滅內亂之應
也十一月帝崩懷帝即位大赦天下

懷帝永嘉二年正月庚午太白伏不見二月庚子始晨見東方是
謂當見不見占同上條其後破軍殺將不可勝數帝崩虜庭中夏
淪覆

三年正月庚子熒惑犯紫微占曰當有野死之王又為火燒宮是
時太史令高堂冲奏乘輿宜遷幸不然必無洛陽五年六月劉曜
三彌入京都焚燒官廟執帝歸平陽

三年填星久守南斗占曰填星所居久者其國有福是時安東將
軍琅邪王始有揚土其年十一月地動陳卓以為是地動之應也
三年十月熒惑守心

六年六月丁卯太白犯太微占曰兵入天子庭王者惡之七月帝

崩于寇庭天下行服大臨

元帝太興元年七月太白犯南斗占曰吳越有兵大人憂二年二月甲申熒惑犯東井占曰兵起貴臣相戮八月己卯太白犯軒轅大星占曰後宮憂三年五月戊子太白入太微又犯上將星占曰天子自將上將誅九月太白犯南斗十月己亥熒惑在東井居五諸侯南踰留積三十日占曰熒惑守井二十日以上大人憂守王謝過敦殺周覲刁協譙王承甘卓閏十一月帝崩太興二年十一月辛巳月犯熒惑占曰有亂臣三年十二月己未太白入月在斗郭璞曰月屬坎陰府法象也太白金行而來犯之天意若曰刑理矢中自毀其法四年十二月丁亥月犯歲星在旁占曰其國兵饑人流亡永昌初王敦反百姓困於兵革

明帝太寧三年正月熒惑逆行入太微占曰為兵喪王者惡之閏八月帝崩後二年蘇峻反攻焚宮室太后以憂偏崩天子幽劫于石頭城遠近兵亂至四年乃息

成帝咸和六年正月景辰月入南斗占曰有兵是月石勒殺略婁武進二縣人明年石勒衆又抄略南涉海虞其十一月熒惑守胃昴占曰魏有兵八年七月石勒死石季龍自立是時雖三石僭號而其疆弱常占於昴不關太微紫宮也

八年二月己巳月入南斗與六年占同其年七月石勒死彭虎以譙石生以長安郭權以秦州並歸順於是遣督護喬球率衆救虎虎敗球退又石季龍石斌攻滅生權其七月熒惑入昴占曰胡王死一日趙地有兵是月石勒死石季龍多所攻沒八月月又犯昴占曰胡不安

九年三月巳亥熒惑入輿鬼犯積尸占曰兵在西北有沒軍死將
六月八月月又犯昴是時石弘雖襲勒位而石季龍擅威橫暴十
一月廢弘自立遂幽殺之

咸康元年二月巳亥太白犯昴占曰兵起歲中旱四月石季龍略
騎至歷陽加司徒王導大司馬治兵列伐衝要時石季龍又圍
襄陽六月旱其年二月景戌月入昴占曰胡王死八月戌熒惑
入東井占曰無兵兵起有兵兵止十一月月犯昴 二月乙未太
白入月四月甲午月犯太白

二年正月辛亥月犯房南第二星八月月又犯昴九月庚寅太白
犯南斗占曰斗為宰相又揚州分金犯之死喪之象其後石虎僭
王攻段遼襲慕容皝不克皝擊破并虜服遼

三年七月巳酉月犯房上星八月熒惑入輿鬼犯積尸甲戌月犯
東井距星九月月犯建星

四年四月巳巳七月乙巳月俱奄太白占曰人君死又為兵人主
惡之五月戌熒惑犯右執法占曰大臣死執政憂九月太白又
犯右執法按占曰五星災同金水尤甚十一月戊子太白犯房上
星占曰上相憂

五年四月辛未月犯歲星在胃占曰國饑人流乙未月犯歲星在
昴又犯畢距星占曰兵起七月巳酉月犯房上星占曰將相憂是
月庚申丞相王導薨庾冰代輔政八月太尉郗鑒薨又有河南郗
城之敗百姓流亡萬餘家六年正月征西大將軍庾亮薨

六年三月甲辰熒惑犯太微上將星占曰上將憂四月丁丑熒惑
犯右執法占曰執政者憂六月乙亥月犯牽牛中央星占曰大將
憂是時尚書令何克為執法有譴欲避其咎明年求為中書令其

四月景午太白犯畢距星占曰兵革起一
白犯軒轅太星占曰女王憂七年三月皇
七年三月壬午月犯房四月巳丑太白入
月辛丑月犯輿鬼

八年六月熒惑犯房上第二星占曰次相
曰下犯上兵革起十月月又掩畢大星占曰
將軍庾冰薨庾翼大發兵謀伐石季龍專制
康帝建元二年正月壬午太白入郊占曰
起四月乙酉太白晝見是年石季龍殺其子
又屯薊東謀慕容晁三年歲星犯天關安西
曰歲星犯天關占云關梁當分比來江東無
而石季龍頻年再閉關不通信使此復是天
也其閏月乙酉太白犯斗占曰為喪天下
立大赦賜爵

穆帝永和元年正月丁丑月入畢占曰兵
曰有亂臣更天子之法五月辛巳太白晝
秦有兵六月辛丑月入太微犯屏西南星
月八月月皆犯畢占同上巳未月犯輿鬼
戊月又犯畢是年初庾翼在襄陽七月翼
荊州刺史代已任爰之尋被廢明年桓溫
送至京師蜀本秦地也二年二月壬子月
又犯房上星八月壬申太白犯左執法

三年正月壬午月犯南斗第五星占曰將
月犯南斗第四星因入魁占曰有兵一曰有

距星占曰將軍死國有憂戊戌月犯五諸侯占曰諸侯有誅九月
庚寅太白犯南斗第五星占曰為喪為兵四年七月景甲太白犯
左執法甲寅月犯房丁巳入南斗犯第二星乙丑太白犯左執法
占悉同上十月甲辰月犯亢占曰兵起將軍死十一月戊戌月犯
上將星三年六月大赦是月陳達征壽春敗而還七月氏蜀餘寇
反亂益土九月石季龍伐涼州五年征北大將軍楮衷卒

四年四月太白入昴是時戎晉相侵趙地連兵尤甚七月太白犯
軒轅占曰在趙及為兵喪甲寅月犯房十月甲戌月犯亢占曰兵
起將軍死八月石季龍太子宣殺弟韜宣亦死其十一月戊戌月
犯上將星五年正月石季龍僭號稱皇帝尋死

五年四月丁未太白犯東井占曰秦有兵九月戊戌太白犯左角
占曰為兵十月月犯昴占曰胡有憂將軍死是年八月楮衷北征

兵敗十月關中二十餘壁舉兵內附石遵攻沒南陽十一月冉閔
殺石遵又盡殺胡十餘萬人於是趙魏天亂十二月楮衷薨八年
劉顯符建慕容儁並僭號發浩北伐敗績見廢

六年二月辛酉月犯心大星占曰大人憂又豫州分野也丁丑月
犯房占曰將相憂六月己丑月犯昴占同上乙未月犯五諸侯占
曰同上七月壬寅月始出西方犯左角占曰大將死一日天下有
兵丁未月犯箕占曰將軍死景寅熒惑犯鉞星占曰大臣有誅八
月辛卯月犯左角木白晝見在南斗月犯右執法占並同上是歲
司徒蔡謨免為庶人七年二月太白犯昴占同上三月乙卯熒惑
入輿鬼犯積尸占曰貴人有憂五月乙未熒惑犯軒轅大星占曰
女三憂太白入畢口犯左股占曰將相當之六月乙亥月犯箕占
曰國有兵景子月犯斗丁丑熒惑入太微犯右執法八月庚午太

白犯軒轅戊子太白犯右執法占悉同上七年劉顯殺石祗及諸將帥山東大亂疾疫死亡

八年三月戊戌月犯軒轅大星癸丑月入南斗犯第二星五月犯心星六月癸酉月犯房七月壬子歲星犯東井距星占曰內亂兵起八月戊戌熒惑入輿鬼占曰忠臣戮死景辰太白入南斗犯第四星占曰將為亂一曰丞相免一二月月在東井犯歲星占曰秦饑人流亡時兵革連起

九年二月乙巳月入南斗第三星三月戊辰月犯房八月歲星犯輿鬼東南星占曰兵起時帝幼冲母后專政將相有隙兵革連起慕容雋僭號攻伐不休

一年正月巳知月蝕昴星占曰趙魏有兵癸酉填星奄鉞星占曰鉞用三月甲申月犯心大星占曰王者惡之九月辛酉太白犯左執法十一月月掩填星在輿鬼占曰秦有兵時桓温伐苻健破姚襄

十一年三月辛亥月掩軒轅占同上四月庚寅月犯牛宿南星占曰國有憂八月巳未大日犯天江占曰河津不通

十二年六月庚子太白晝見在東井占如上巳未月犯鉞星八月癸酉月掩建星九月戊寅熒惑入太微犯西蕃上將星十一月丁丑熒惑犯太微東蕃上將星十二年十一月齊城陷執段龕殺三千餘人

永和三年鮮卑侵略河冀升平元年慕容雋遂據臨漳盡有幽并青冀之地緣河諸將奔散河津隔絕時權在方伯九服交兵

升平元年四月壬子太白入輿鬼丁亥月掩井南轅西頭第二星占曰秦地有兵一曰將死六月戊戌太白晝見在軫占同上軫是

楚分野壬子月犯畢占曰為邊兵七月辛巳熒惑犯天江占曰河
津不通十一月歲星犯房占曰豫州有災其年五月符堅殺苻生
而立十二月慕容雋入屯鄴二年八月豫州刺史謝奕薨

二年閏三月月犯歲星在房十月太白犯哭星占曰有大哭泣十
二月填星犯軒轅大星占曰人王惡之甲午月犯東井

三年正月熒惑犯撻閉星三月復逆行犯鈞鈴占俱曰人三惡之
月犯太白在昴占曰人君死一曰趙地有兵胡不安六月太白犯

東井七月熒惑犯天江丙戌太白犯輿鬼占悉同上戊子月犯牽
牛中央大星占曰牽牛大將犯之將軍死八月太白犯軒轅大星

甲子月犯畢大星占曰為邊兵一曰下犯上三年十月諸葛攸舟
軍八河敗績豫州刺史謝萬入朝衆潰而歸萬除名司徒會稽三

次二鎮賊求自貶三等四年正月慕容雋死子暉代立慕容恪殺
其尚書令陽騫等

四年正月月犯牽牛中央大星六月辰星犯軒轅占曰女主憂已
未太白入太微右掖門從端門出占曰貴奪勢一曰有兵又曰出

端門臣不臣八月太白犯氐占國有憂熒惑犯太微西蕃上將星
九月太白入南斗口犯第四星占曰為喪有赦天下受爵祿十二

月熒惑犯房月犯撻閉占人主惡之
五年正月乙丑月在危宿掩太白占曰天下靡散乙巳填星逆行

犯太微三月月犯填星在軫占曰為大喪五月月犯太微又犯建
星占曰大臣相謀時殷浩敗績坐廢其月辛亥月犯牽牛宿占曰

國有憂六月癸亥月犯氐東北星占曰大將當之五年正月比中
即將劾慕容五月帝崩哀帝立大赦賜爵褚后失勢七月慕容恪

攻冀州刺史呂護於野王護奔滎陽是時桓溫以大衆次宛聞護

敗乃退五年六月癸酉月掩氏東北星占曰大將軍當之九月乙酉月掩畢占曰有邊兵十月丁未月犯畢大星占曰下犯上又曰有邊兵八月范汪廢隆和元年慕容暉遣將寇河陰

哀帝興寧三年七月月犯南斗占曰女主憂歲星犯輿鬼占曰人君憂明年庚后崩

海西公太和元年二月月掩熒惑在參占曰為內亂帝不終之徵一曰參魏地五年慕容暉亡

二年正月太白入昴五年符堅城燕據幽冀司并四州六年閏月熒惑守大微端門占曰天子亡國又曰諸侯三公謀其上

上一曰有斬臣辛卯月犯心大星占曰主者惡之十一月桓溫廢帝并奏誅武陵王簡文不許溫乃徙之新安皆臣疆之應也

簡文帝咸安元年十二月辛卯熒惑逆行入大微二年三月猶不

退占曰國不安有憂是時帝有桓溫之逼二年五月丁未太白犯天關占曰兵起歲星形色如太白占曰進

退如度姦邪息變色亂行三無福歲星於仲夏當細小而不明此其失常也又為臣疆六月太白晝見在七星

乙酉太白犯輿鬼占曰國有憂七月帝崩桓溫以兵威擅權將誅王坦之等內外迫脅又庾希入京城盧標入宮並誅滅之

孝武寧康元年正月戊申月掩心大星按占曰災不在三者則在豫州一曰主命惡之三月景午月掩南斗第五星占曰大臣有憂

死亡一曰將軍死七月桓溫薨九月癸巳熒惑入大微是時女生臨朝政事多缺

二年閏月己未月掩牽牛南星占曰左將軍死十二月甲申太白晝見在氏氐兗州分野三年五月景午北中郎將王坦之薨

三年六月癸卯太白犯東井占曰秦地有兵九月戊申熒惑奄左執法占曰執法者死太元元年符堅破涼州二年十月尚書令王

彪之卒

太元元年四月景成熒惑犯南斗第三星景申又掩第四星占曰兵大起中國饑一曰有赦八月癸酉太白晝見在氏兖州分野九月熒惑犯哭泣星遂入羽林占曰天子有哭泣事中軍兵起十一月己未月掩氐角占曰天下有兵一曰國有憂

二年二月熒惑守羽林占曰禁兵大起九月壬午太白晝見在角兖州分野并平元年五月大赦三年八月秦人寇樊鄧襄陽彭城四年二月襄陽陷朱序沒四月魏興陷賊聚廣陵三河衆五六萬於是諸軍外次衝要丹陽尹弼衛京師六月兖州刺史謝玄討賊大破之是時中外連兵比年荒儉

四年十一月丁巳太白犯哭星占曰天子有哭泣事

五年七月景子辰星犯軒轅占曰女主當之九月癸未皇后王氏崩

十二年二月熒惑入月占曰有亂臣死若有相戮者一曰女親為政天下亂時琅邪王輔政王死從兄王國寶以姻昵受寵袁悅等交讎主相扇揚朋黨帝殺悅自是主相有隙亂階興

十三年十一月辰星入月在危占曰賊臣欲殺主不出三年必有內惡十二月熒惑在角亢形色猛盛占曰熒惑失其常吏且棄其法諸侯亂政自是慕容垂翟遼姚萇符登慕容末並阻兵爭疆十四年十二月月犯歲星熒惑入羽林占並同上十五年翟遼據司寇衆軍累討弗克慕容氏又跨略并冀七月旱八月諸郡大水兖州又蝗

十五年九月熒惑入太微十月太白入羽林

十六年十一月癸巳月掩心前星占曰太子憂時太子常有篤疾十八年正月熒惑入月占曰憂在宮中非賊乃盜也一曰有亂臣若有戮者二十一年九月帝暴崩衆言張夫人弒逆又王國寶邪校卒伏其辜

十九年四月月掩歲星在尾占曰為饑^魏國亡二十年慕容重伐^魏反為所破死者數萬人重死國遂衰亡

二十年六月熒惑入天園占曰大饑十二月己巳月犯捷閉又東西咸占曰捷閉司心腹喉舌東西咸主陰謀

二十一年四月壬午太白入天園占曰為饑六月歲星犯哭泣星占曰有哭泣事是年帝崩隆安元年王恭等舉兵脅朝廷於是內外戒嚴殺王國寶以謝之又連歲水旱三方動衆人饑

^{安帝}隆安元年正月熒惑犯哭泣星占曰有哭泣事六月月奄太白在太微端門外占曰國受兵乙酉月奄歲星在東壁占曰為饑衛地有兵二年六月紆恢遣鄧啓方以萬人伐慕容寶於滑臺啓方敗三年桓玄等並舉兵內外戒嚴

三年五月月奄東上相辰星犯軒轅大星占悉同上其年庾楷等舉兵表誅王愉等內外戒嚴三年洛陽没于寇桓玄破荆雍州殺於仲堪等孫恩聚衆攻沒會稽殺內史

四年正月乙亥月犯填星在牽牛占曰吳越有兵喪女主憂六月月犯哭泣星又犯填星十月月奄歲星在北河占為饑胡有兵其四年五月孫恩亂七月太皇太后李氏崩

七月癸亥大角星散搖五色占曰主者流散丁卯月犯天關占曰王者憂九月熒惑犯少微又守之占曰處士誅十月月次東次相

其次年盧循桓玄內射彗逆

元年二月歲星犯西上將六月月奄斗第四星占曰大臣誅

元興元年四月月奄辰星七月大饑人相食熒惑在東井犯輿鬼

積尸八月太白犯右執法九月太白犯建賢占曰進賢者誅

十一月月犯熒惑十二月月犯熒惑是月桓玄篡位

三年正月熒惑逆行犯太微西上相占曰天子戰于野上相死月

奄歲星於左角占曰天下兵起二月熒惑逆行在左執法西北占

曰執法者誅四月月奄軒轅第二星五月月奄斗第二星填星入

羽林是年春劉裕討桓玄劫天子如江陵五月義軍破滅之

義熙元年三月月奄左執法及心前星占曰豫州有災太白犯東

井占曰秦有兵四月月犯填星在東壁占曰其地亡國貴人死一

日人流八月太白犯斗第一星占曰天下有兵一曰大人憂九月

熒惑犯少微占曰處士誅又犯左右執法十月奄填星在營室十

一月景戌太白犯鈞鈴占曰喉舌憂十二月巳知歲星犯天關占

曰有兵亂河津不通十一月荊州刺史魏詠之薨二年二月司馬

爾璠等攻沒弋陽四月姚興伐仇池公楊盛擊走之九月益州刺

史司馬榮期為其參軍勸承祖所害三年十二月司徒揚州刺史

王謐薨四年正月太白保武陵王遵薨三月左僕射孔安國卒自後

政在劉裕人主端拱而已

二年二月太白犯南河占曰兵起巳丑月犯心後星占曰豫州有

災四月癸丑月犯太微西上將巳未月犯房南第二星乙丑歲星

犯天江占曰有兵亂河津不通五月癸未月犯左負占曰左將軍

死天下有兵壬寅熒惑犯氏占曰氏為宿宮人主憂六月庚午熒

惑犯房北第二星八月癸亥熒惑犯南斗第五星丁巳犯建星占

曰為兵九月壬午熒惑犯哭星又犯泣星是年二月甲戌司馬國璿等攻沒弋陽又慕容超侵略徐兗三年正月又寇北徐州至下邳十二月司徒王謐薨四年正月武陵王遵薨五年慕容超復寇淮北四月劉裕大軍討之拔臨朐又圍廣固援之十二月月奄木白在危占曰齊亡國五年劉裕滅燕

三年月奄心後星又犯左角八月太白犯左執法熒惑復犯之九月熒惑犯進賢

四年正月熒惑犯天關五月月奄斗第二星填星犯夫廩占曰天下饑舍粟少六月太白犯木微西上將又犯左執法十月熒惑入羽林

五年二月月犯昂占曰胡不安天子破匈奴五月戊戌歲星入羽林九月犯昂十月熒惑犯氏又犯鈞鈴巳巳月奄心大星占曰王

者惡之是年劉裕討慕容超十月魏王珪遇弒殂次年盧循逼郊旬

六年三月丁卯月奄房南第二星灾在次相巳巳又奄斗第五星占斗主吳地兵起太白犯五諸侯占曰諸侯有誅五月甲子月奄斗第五星巳亥月奄昂三星占曰國有憂一曰有白衣之會六月巳丑月犯房南第二星申午太白晝見七月巳亥月犯輿鬼占曰國有憂一曰秦有兵八月壬午太白犯軒轅大星甲申月犯心前星灾在豫州景戌月犯斗第五星占同上丁亥月奄牛宿南星占曰天下有大誅乙未太白犯少微景午太白在少微而晝見九月甲寅太白犯左執法丁丑填星犯畢占曰有邊兵是年徐道覆盧循反衆逼郊畿七年十二月破斬之八年豫州刺史劉道規卒七年四月熒惑入輿鬼占曰秦有兵一曰雍州灾六月填星犯天

關占曰臣謀主月犯歲星在畢占曰有邊兵且饑八月太白犯房南第二星月犯歲星在參占曰益州兵饑七月朱齡石尅蜀又反討滅之十一月太白犯哭星

八年正月月犯歲星在畢七月癸亥月奄房北第二星巳未月犯并鉞八月戊申月犯泣星十月辛亥月奄天關占曰有兵十一月丁丑填星犯東井占曰大人憂十二月癸卯填星犯并鉞是年八月皇后王氏崩九月誅劉蕃謝琨討滅劉毅十二月朱齡石滅蜀九年二月熒惑入輿鬼占曰有兵喪太白犯南河占曰兵起五月壬辰太白犯右執法畫見七月庚午月奄鈞鈐占曰珙舌臣憂九月庚午歲星犯軒轅大星巳丑月犯左角時劉裕擅命兵革不休十年裕討司馬休之三師不利休之等奔長安

房北星五月壬寅月犯牽牛南星乙丑歲星犯軒轅大星占悉同上六月景申月奄氐占曰將死之國有誅者七月庚辰月犯天關占曰兵起熒惑犯并鉞填星犯輿鬼遂守之占曰大人憂宗廟改八月丁酉月奄牽牛南占同上九月填星犯輿鬼占曰人主憂丁巳太白入羽林十二月巳酉月犯西咸占曰有陰謀十一年林邑寇交州距敗之

十一年三月丁巳月入畢占曰天下兵起一曰有邊兵巳卯熒惑入輿鬼閏月景午填星又入輿鬼占曰為旱大疫為亂臣五月癸卯熒惑入太微甲辰犯右執法六月巳未太白犯東井占曰秦有兵戊寅犯輿鬼占曰國有憂七月辛丑月犯畢占同上八月壬子月犯氐占同上庚申太白順行從右掖門入太微丁卯奄左執法十一月癸亥月入畢占同上乙未月入輿鬼而暈十二年五月月

犯歲星在左角占曰為饑歲星留房心之間(宋)之分野始封劉裕為(宋)公六月壬子太白順行入太微右掖門巳巳月犯畢占同上七月月犯牛宿十月景戌月入畢

十三年五月景子月犯軒轅丁亥犯牽牛癸巳熒惑犯右執法八月巳酉犯牽牛丁卯月犯太微占曰人君憂九月壬辰熒惑犯軒轅十月戊申月犯畢占悉同上月犯箕占曰國有憂甲寅月犯畢占同上乙卯填星犯太微留積七十餘日占曰亡君之戒壬戌月犯太微

十四年三月癸巳太白犯五諸侯五月庚子月犯太微七月甲辰熒惑犯輿鬼占曰(秦)有兵又為旱為兵喪亦曰大人憂宗廟改亦為亂臣時劉裕擅命軍旅數與饑旱相屬其後卒移(晉)室丁巳月犯東井占曰軍將死八月甲子太白犯軒轅癸酉填星入太微犯

右執法囚留太微中積二百餘日乃去占曰填星守太微亡君之戒有從王九月乙未太白入太微犯左執法丁巳入太微占曰太人憂十月甲申月入太微癸巳熒惑入太微犯西蕃上將仍順行至左掖門內留二十日乃逆行義熙十二年七月劉裕伐姚泓十三年八月擒姚泓司亮秦雍悉平十四年劉裕還彭城受(宋)公十一月左僕射前將軍劉穆之卒明年西虜寇長安雍州刺史朱齡石諸軍陷沒官軍捨而東十四年四月壬申月犯填星於張占曰天下有大喪其明年帝崩

(恭)帝元熙元年正月三月五月月皆犯太微辰星犯軒轅六月太白犯太微七月月犯歲星太白犯哭星十二月月入太白俱入羽

林
二年三月填星犯太微元年七月劉裕受(宋)三
是年六月帝遜位

于宋

宋孝武 孝建二年五月乙未熒惑入南斗

齊東昏侯 永元三年十一月申寅辰星及太白俱見南方是日荆
州長史蕭穎胄奉南康王寶融起兵後即帝位是為和帝

梁武帝 天監元年八月壬寅熒惑守南斗占曰糴貴五穀不成大
旱多火災宰相死是歲大旱米斗五千人多餓死五月尚書范雲
卒

二年五月丙辰月犯心占曰有亂臣其四年交州刺史李凱舉兵
反七月景子太白犯軒轅大星

七年九月己亥月犯東井占曰有水災其年京師大水
十三年二月太白失行在天關占曰津梁不通又兵起其年填星
守天江占曰有江河塞有決溢有土功其年大發軍衆造浮山碣

淮水至十四年鎮星去天江而堰壞奔流決溢

十四年十月辛未太白犯南斗

十七年閏八月戊辰月行掩昴

普通六年三月丙午歲星入南斗九月壬子太白犯右執法

大通元年八月月掩填星占曰有大喪天下無主國易政其後上
幸同泰寺捨身王公以錢奉贈又太子薨皆無主易政大喪之應
中大通元年閏月壬戌熒惑犯鬼積尸星占曰有大喪大兵破軍
殺將其二年蕭玩師衆援巴州為魏所敗玩被殺

六年熒惑在南斗占曰熒惑出入留舍南斗中有賊臣謀反天下
易政改元其年十二月北梁州刺史蘭欽舉兵反後改大同元年
大同三年三月歲星掩建星占曰有反臣其年會稽山賊起七年
交州刺史李賁反

太清三年正月熒惑守心占曰王者惡之三月熒惑又守心占曰
大人易政王去其宮人饑亡天下大潰其年帝為侯景所逼崩七
月九江大饑人相食

十四年九月月在斗掩歲星占曰天下亡君其後侯景篡弒

元帝承聖三年九月甲午月犯心中星占曰有反臣王者惡之有
亡國其後三年帝為周師所俘梁亡陳氏取國

陳武帝永定三年九月月入南斗占曰大人憂太子殃後三年帝
崩太子昌在周為質文帝立後昌還國為侯安都迎殺之

文帝天嘉元年五月熒惑犯右執法者誅大臣有憂執法者誅後
四拜司空侯安都賜死二年五月己酉歲星守南十六月丙戌熒
惑犯東井七月乙丑熒惑入鬼中戊辰熒惑犯斧質十月熒惑行
在大微右掖門

三年閏二月己丑熒惑逆行犯上相甲子太白犯五車填星七月
太白犯輿鬼八月癸卯月犯南斗景午月犯牽牛庚申太白入太
微十一月丁丑月犯畢左股辛巳熒惑犯歲星戊子月犯角庚寅
月入氏

四年六月癸丑太白犯右執法七月戊子熒惑犯填星八月甲午
熒惑犯軒轅大星丁未太白犯房九月戊寅熒惑入太微犯右執
法癸未太白入南斗占曰太白入斗天下大亂將相謀反國易政
又曰君死不死則廢又曰天下受爵祿其後安成王為太傅廢少
帝而自立改官受爵之應也辛卯熒惑犯左執法十一月辛酉熒
惑犯執法甲戌月犯畢左股

五年正月甲子月犯畢大星奎丁卯月犯星壬寅月入氏又犯熒
惑癸卯月犯房上星五月熒惑逆行二十一日犯氏東南西南星

占曰月有賊臣又曰人主無出廊廟間有伏兵又曰君死有赦後

二年(少帝)廢之應也六月景申月犯克七月戊寅月犯畢大星閏

十月庚申月犯牽牛丙子又犯左執法十一月月蝕畢大星

六年四月月犯畢軒轅占曰女主有憂五月太白犯軒轅占同其

後(少帝)廢廢後慈訓太后崩六月己未月犯氏八月戊辰月掩畢

大星景子月與太白並光芒相著在太微西蕃南三天所九月辛

巳熒惑犯左執法癸未太白犯右執法辛卯犯左執法己巳月犯

上相

(廢帝)天康元年五月月犯軒轅女御大星占曰女主憂後年太后

崩癸未月犯左執法

光大元年正月月犯軒轅大星占曰女主當之八月月蝕哭星占

曰有喪泣事明年太后崩臨海王己未月犯歲星占曰國亡君十

二月辛巳月又犯歲星辛卯月犯建星占曰大人惡之

二年正月月掩歲星占曰國亡君五月月犯太白六月太白犯左

執法八月月犯太微十一月丙午歲星守左執法甲申月犯太微

東南星戊子太白入氏其年帝廢

宣帝太建七年五月熒惑犯右執法十年十月月蝕熒惑占曰國

敗君亡大兵起破軍殺將來年吳明徹敗于呂梁十三年帝崩

十二年十月戊午月犯牽牛吳越之野占曰其國君有憂後年帝

崩

齊文宣帝天保元年十二月熒惑犯房北頭第一星及鈞鈴占曰

大臣有反者二年太尉彭樂謀反誅八月二月歲星守少微經六

十三日占曰五官亂五月歲星犯太微上將占曰大將憂大臣死

其十年誅諸元宗室四十餘家乾明元年誅楊彥遵等皆五官亂

大臣死之應

八年七月月奄心星占曰人三惡之九年二月熒惑犯鬼質占曰斧質用有大喪三月熒惑犯軒轅其十年五月誅諸元十月帝崩斧質用大喪之應也

廢帝乾明元年三月熒惑入軒轅占曰女主凶太寧二年太后崩肅宗皇建二年七月熒惑入鬼中犯鬼質占曰有大喪十一月帝暴崩

武成帝河清元年七月太白犯輿鬼占曰有兵謀誅大臣斧質用十月冀州刺史平秦王高歸彥反討誅之又二年殺太原王紹德皆斧質之應八月月掩畢占曰國君死大臣誅有邊兵破軍殺將其月歸彥以反誅三年周師與突厥入并州大戰城西伏尸流血百餘里皆其應也

後主天統五年二月歲星逆行掩太微上將占曰天下大穢馬四輔有誅者五月甲午熒惑犯鬼積尸甲齊占曰大臣誅兵大起斧質用有大喪至武平二年九月誅琅邪王儼三年誅石丞相斛律明月四年誅蘭陵王長恭皆懿親名將四年誅崔季舒等皆斧質用之應

四年五月熒惑犯右執法占曰大將軍死執法者誅其應如前周閔帝元年五月癸卯太白犯軒轅占曰大臣出令又曰皇后失勢辛亥熒惑犯東井北端第二星占曰其國亂又曰大旱其年九月冢宰護廢帝幽而弑之又殺司會李植等其冬大旱皆大臣出令大臣死旱之應也

明帝二年三月熒惑入軒轅占曰王者惡之女主凶其月獨孤后崩六月庚子填星犯井鉞與太白并占曰傷成於鉞君有戮死者

其年太師護壽帝崩

武帝保定二年閏正月太白入昴二月壬寅熒惑犯太微上相三月壬午熒惑犯左執法七月太白犯輿鬼

三年九月熒惑犯太微上將十月熒惑犯左執法

四年三月熒惑犯房右驂占曰上相誅車駟人走天下兵起其年十月伐齊柱國庸公王雄力戰死之遂班師兵起將死之應也

天和元年七月太白犯軒轅大星相去七寸占曰女主失勢大臣富之又曰西方禍起其十一月太保許公宇文貴薨十月熒惑犯鈎鈴去之六村占曰王者憂又曰車騎驚三公謀

三年三月太白犯井北轅第一星占曰將軍惡之其七月隋公楊忠薨四月太白入輿鬼犯積尸占曰大臣誅又曰亂臣在內有屠城

四年二月歲星逆行奄大微上將占曰天下大驚國不安四輔有誅必有兵革天下大赦五月熒惑犯輿鬼及積尸占曰大臣有誅後一年太師宇文護以不臣誅

六年四月熒惑逆行犯輿鬼占曰有兵喪大臣誅兵大起其月取齊宜陽等九城六月齊將攻陷汾州

建德元年九月月犯星中星相去一寸占曰亂臣在旁不出五年下有亡國後伐齊平之

二年二月熒惑掩鬼西北星占曰大賊在大人之側又曰大臣有誅四月太白掩西北星又掩東北星占曰國有憂六月月犯心中後二星占曰不出三年有亡國人主惡之九月太白犯左執法占曰大臣憂執政誅

三年十二月月犯歲星在危相去二寸占曰其邦流亡不出三年

辛卯月行在營食太白占兵國以兵亡營室衛在齊地後齊亡四年三月月犯軒轅大星占曰女主有憂又五官有亂五年十月熒惑犯太微西蕃上將星占曰女主有憂又五官有亂五年十月熒惑犯太微西蕃上將星占曰天下不安上將誅六年皇太子西巡討吐谷渾吐谷渾寇邊天下不安之應六月熒惑入鬼占曰有喪車十月歲星犯大陵

六年四月先時熒惑入太微宮二百日犯東蕃上相西蕃上將句已往還至此月甲子出端門占曰為大臣代三又曰臣不臣有反者又曰大喪後宣武繼崩高祖以大運代起十月月蝕熒惑在斗占曰國敗君亡兵大起斗為吳越陳之分野

宣政元年七月犯心前星占曰太子惡之若失位後(靖帝)立為天子不終之徵已未太白犯軒轅大星占曰女主凶後二年(宣帝)崩

(隋)氏受命廢楊后為平樂公王餘四后悉廢為比丘尼八月庚辰太白入太微占曰為天下驚又曰近臣起兵大臣相殺國有憂其後趙陳等五王為執政所誅大臣相殺之應也九月丁酉熒惑入太微西掖門庚申犯左執法相去三寸占曰天下不安大臣有憂又曰執法者誅若有罪是月份州稽胡反討平之十一月突厥寇邊國酒乘殺略吏人明年二月殺柱國鄭公王軌皆其應也十二月癸未熒惑入氏守犯之三十日占曰天子失其官又曰賊臣在內下有反者又曰國君有繫饑死者(靜帝)禪位(隋高祖)幽殺之

(宣帝)大象元年七月壬辰熒惑掩房北頭第一星占曰亡君之誠又曰將君為亂王者惡之大臣有反者天子憂其十二月帝親御驛馬日行三百里四皇后及文武侍衛數百人並棄廟以從房為

天駟熒惑主亂此(軍帝)亂道德馳騁車騎將亡之誠八月辛巳熒惑犯南斗第五星占曰且有反臣道路不通破軍殺將尉遲迥王謙等起兵敗亡之徵也九月己酉大白入南斗魁中占曰天下有大亂將相謀反國易政又曰君死不死則疾又曰天下爵祿皆高(祖)受命群臣分爵之徵也十月壬戌歲星犯軒轅大星占曰文三憂若失勢

(靜帝)大定元年正月歲星逆行守右執法熒惑掩房北第一星占曰房為明堂布政之宮無德者失之二月(隋)王稱帝

(隋)高祖開皇八年二月填星入東井占曰填星所居有德利以稱兵其年大舉伐(陳)克之

(煬帝)大業元年六月熒惑入大微占曰熒惑為賊為亂宮中不安

三年三月熒惑逆行入南斗色赤如血如三斗器光芒震耀長七八尺於斗中句已而行占曰有反臣道路不通國大亂兵大起其後楊玄感反雖誅滅而群盜屯聚剽掠州縣道路不通斗牛楚越分野玄感父初封越後徙封楚

九年五月丁丑熒惑入南斗

十一年熒惑守羽林占曰衛兵反

十三年六月鎮星贏而旅子唐參唐星也

李淳風曰鎮星主福未嘗居而居所宿國吉七月熒惑守積尸十一月熒惑犯大微

恭宗義寧二年三月丙午熒惑入東井占曰大臣憂

文廟卷一百八十八

公

世

